

THEO-

PHRASTE DES
Odeurs, mis de Grec en
nostre langue françoise,
avec annotations
des lieux plus nota-
bles & difficiles
avec l'histoire
de quelques
Plantes.

Par I. de l'Estrade.




AVEC PRIVILEGE.

A PARIS,

Chez Guillaume Guillard, demeurant Rue
Saint Jacques, à l'enseigne Sainte Barbe.

1 5 5 6.



THEO

LIBRARY

Officers, nris de l'Etat en

notre langue française

te, avec annotations

des lieux plus remarquables

bles & difficiles

avec l'édition

de deux autres

éditions.

Par le docteur

Par le docteur

AVEC PRIVILEGE

A PARIS

chez la Citoyenne de la République

chez la Citoyenne de la République

A MONSIEUR
DE L'AVBESPIN, AUDI-
teur des comptes pour le Roy a Mo-
lins en Bourbonnoys, Ian de l'Estra-
de son humble seruiteur.



Ntre toutes les felicités,
Monseigneur, qui pour-
roiet aduenir a vn home,
leql ha receu plaisir d'au-
truy: cel' ha esté tousiours

estimée la principale, par la qlle il peut
dōner attestatiō & ample cognoissance
de sa bonne memoire, ou volunté des
biēs receus. Ce que noz predecesseurs,
gens de grāde vertu & estime, cognois-
sant, affin qu'ilz retinsseut plus long
temps la societé des hommes inuolée:
& pour demonstret qu'il n'estoit rien
plus agreable aux dieux & hommes,
que d'auoir souueraince des benefices
receus: ilz depeignoiet, pour a ce nous
stimuler, troys graces nommées *Charité*,
Yssue, l'une, comme yssue de nous, tour-
noit le visaige, les deux autres nous re-
gardoient, par laquelle peinture certes

admonestoient vn chacun d'auoir me-
moire des plaisirs & merites qu'on luy
ha fait, & iceux recompéser, s'il se pou-
uoit faire, par vsure. Or, comme ainsi
soit que i'en aye autant receu de vous,
qu'on pourroit dire de bouche, ou met-
tre par escript: c'est bien raison qu'au-
jourd'huy vous perceuies les premiers
fruits de vostre semence. Car, ayant
esté cultiué & ensemencé par vostre la-
beur & moyen, ne seroit il pas fort alie-
né de toute honnesteté, si a l'imitation
du champ fertile ie n'attachoys recom-
penser celuy qui ha esté tât soigneux de
ma culture? Ce que me proposant des
lors que commencay a estre amorcé de
la cognoissance des lettres, i'ay telle-
ment esté epris trouuer moyen pour
satisfaire a ceste mienne cupidité, que
sans cesse ie me proposoys deuant les
yeux: il te faut donner a cognoistre la
memoire des biens qu'on t'a fait. Don-
ques, ainsi comme d'ancienneté les ar-
tifans & autres personnes offroient leur
premier coup d'essay au Dieu qu'il esti-
moient auoir puissance sur leur estat &
exercice:

exercice: & en ce temps encore chacun presente son chef d'œuvre a celuy qu'il estime estre chef & auteur de son apprentissage: Ainsi, il est iuste, veu qu'estes celuy qui non seulement aués esté sollicitieux de me faire instruire, mais de vous mesmes m'aués enseigne, que cestuy mon petit labeur & premiere despoille de vostre semence, vous soit aussi premierement présentée. Quoy bien considerant, a la coustume des Mariniers, lesquelz apres auoir esté agités par les vndes de la mer, quand ils sont arriuez au port de salut & en l'isle desirée, leur premier œuvre c'estoit presenter leurs oblations, & reliques de fortune au dieu Neptune, & avec chapeaux de fleurs odorantes bien troussés, son autel decorer: ainsi, ayant sentu quelques incursions des vents de ceste mer grande, en fin, la tempeste cessée, moyennāt l'ayde de Dieu, ie suis paruenu aux isles fortunées, ou estāt i'ay en me tournant çà & là veu au tour de moy tat de fleurs odoriferantes & infinies autres choses de grande recreation, qu'apeine ie

n'aye esté comme les compaignōs d'U-
lysses, prins à l'amorce. Mais ayant en-
core quelque despouille, j'ay pēsé qu'il
falloit faire celuy participant du butin,
qui auoit esté l'auteur de l'entreprinse,
cōme vo^r qui estes le vray auteur & fau-
teur de mes estudes: ce q̄ voyāt, il ne m'a
semblé trop estrange de vostre nature,
mais plustost conioint avec l'office que
ie vous doibs, mettre peine de si tres-
bien entourer voz armoiries & ensei-
gnes, avec bōnes senteurs, & chapeaux
de toutes fleurs, que l'odeur y puisse de-
meurer vn' eage. Et pour mieux ce fai-
re, Theophraste, traitant des senteurs,
s'est à moy presenté, en la leçon duquel
j'ay prins tant de plaisir, que ie n'ay eu
repos iusques a ce que pourrois vous
en faire participāt. Ce que pour le plus
cōmodemēt vouloir faire, ie n'ay trou-
ué meilleur moyen, que si aux heures
qui ne sont dediées à mō principal estu-
de ie le mettoys en nostre langue fran-
çoysse. Lequel, Monseigneur, ie vous
presente d'aussi bon cueur, que j'ay bō-
ne volonté d'estre tousiours en vostre
bonne

bonne grace, & tenu pour l'un de voz
obeissans seruiteurs. De Boncourt.
Ce 20 D'aoust. 1556

Au Lecteur.

LE ne fais doubte, amy Lecteur, qu'incontinent, & non sans cause, tu diras estre vne trop grand' audace & temerité a celuy qui n'a iamais escript en langue quelconque, avec ce est bien peu exercé en la Françoysse: toutesfoys d'une impetuosité grande & paradventure insupportable, s'ose frotter aux grands auteurs tout du premier coup, auant que d'estre acoustumé & aprins de nager en eue basse. Veü qu'il fault se premiere-mét experimenter en ce qui est facile, q d'entreprédre chose plus difficile. Puis estant asseuré, il se fault mettre a l'auenture. Ie te respondz qu'a l'instinctio & admonition du pere d'eloquēce ie l'ay fait, lequel cognoissant qu'il prouenoit vn singulier profit de la coniunctio de deux langues, songneusement en-

A. iij

hortoit s^{on} filz (ce qu'un chacun de no^s
doibt prendre pour soy) qu'il conioi-
gnist la langue Grecque avec la Latine,
& regardast diligemment laquelle des
deux est la plus fertile. Ce qu'ayant ouy
quelques foys disputer par gens bien
versés en les vnes & autres lāgues, a la
fin il fut resolu que nostre langue Fran-
çoise auoit grand' affinité avec la Grec-
que, & que la plus part des phrases &
manieres de parler estoient semblables
en l'une & l'autre. Quoy voyant, ie me
suis pensé qu'il ne me seroit inutile, ten-
ter le gué. Et entre autres auteurs Grecs
ayant prins en main Theophraste des
senteurs, apres l'auoir leu & releu plu-
sieurs foys, & mis peine selon mon pe-
tit pouuoir de l'entendre: ie y ay trou-
ué tant de senteurs odoriferantes, que
ie pensois estre totalement parfumé,
sans auoir sur moy aucune senteur ar-
tificielle. Ce qui ma fort incité (amy le-
cteur) a le traduire en nostre lāgue vul-
gaire selon ma petite capacité. Dequoy
ie ne fais doubte que plusieurs momis-
tes estans nées plus tost pour medire
(144 A)
&

& detracter d'autrui que de metre peine
 ne s'employer a chose par laquelle ilz
 tesmoignent d'auoir esté, me repren-
 dront tant d'ignorance que d'outrecui-
 dance. Touttesfoys il faut se mettre au
 hasard, affin de cognoistre l'oppinion
 qu'on ha de nous: a l'imitatiõ de l'excel-
 lent peintre Apelles, lequel ayant pro-
 posé & estallé son tableau en public es-
 toit caché derriere, afin d'ouir l'estime
 & iugement qu'on feroit de luy. Je ne
 veux nier qu'il y ha en ce petit mon la-
 beur beaucoup de choses ridicules: tou-
 ttesfoys apres auoir supplié le lecteur
 excuser nostre lourd langage, n'estant
 fardé mais maternel & tout venât de la
 forge rudement, sans estre polynyli-
 mé, (comme n'ayant adonné mon es-
 prit a orner ma langue en françoys,) ie
 mettray mon nom en sa sauuegarde.
 En apres il se pourra trouuer plusieurs
 atticismes, ce qu'a esté le pl^o souuét ne-
 cessaire pour plus facile intelligence
 de l'auteur: si est ce qu'avec luy nous
 auons retenu briefueté le plus qu'il ha
 esté possible, des noms, des drogues &

plantes, desquelles vse l'auteur le plus
souuent, nous les auõs retenus en grec,
lesquelz sont expliquées, partie en le
texte, partie en noz annotations sur
ce liure: en lesquelles traitant l'histoi-
re d'aucunes desdictes plantes, nous a-
uons suiuy principalement Dioscori-
de & monsieur Rueil, lequel apres Dio-
scoride ha fidellement avec grand la-
beur & diligence traité ce qui appar-
tient a l'histoire des plantes.

THEOPHRA- STE DES ODEURS, mis de Grec en nostre langue françoise, par I. de l'Estrade.



Les senteurs sont du
tout faictes & com-
posées, par vne mes-
lange des vnes avec
les autres: ainsi com-
me les saueurs. Car
ce qui n'est meslé, n'a

n'odeur ne saueur. Qui est la cause pour
quoy, d'entre les quatre elemēts, corps
simples, troys, qui sont le feu, leau, &
lait, sont totallemēt sans odeur: le qua-
triēme, qui est la terre, pource qu'en-
tre tous les autres elle semble, & est
vrayement la plus composée, est seule
estimée auoir quelque odeur. Mais, en-
tres les odeurs, aucuns ne sont speci-
fiés, a cause de leur petite force, & sont
detrempés: ainsi cōme les saueurs: d'au-

Les qua-
tre ele-
mentz, le
feu, lair,
leau, prin-
cipalemēt
sont sans
odeur: la
terre ne
semble en
estre du
tout pri-
uée.

Odeurs
 fôt speci-
 fiés par les
 faueurs ,
 pour la-
 finité des
 vns & au-
 tres.

tres sont rengés en quelques certaines
 especes. Et iacoit, que plusieurs dicel-
 les, pour quelque semblance prennent
 leur nom des faueurs ,toutesfoys ilz ne
 respondent point en tout, ainsi comme
 nous auons desia dit : & les odeurs ne
 sont pas ainsi bien distingués en leurs
 especes, comme les faueurs, mais bien
 quant au genre ilz respondent, veu que
 principalement on dit en general, tel-
 les choses sentir bon, celles la, mauuais.
 Au reste, les especes d'odeur souef &
 gracieux, & celles de celuy qui n'est ag-
 greable & ioïeux, n'ont point de nom
 propre. Combien que de ces deux gen-
 res la, il y aye diuerses especes: car entre
 les choses douces, & ameres, les espec-
 es sont mieux définiées: toutesfois, on
 dit, cest odeur est acre, poignant, fort,
 mol, doux, aspre, & desplaisant. Et tout
 Ceste pu-
 anteur est
 nommée
 & πρῶτη.

vne puâteur est commune a toutes cho-
 ses qui se corrompét. Parce que tout ce
 qui se pourrist sent mauuais, si parad-
 uenture quelqu'un ne pensoit, qu'une
 aigreté

Plato en
 son Tym.

aigreté en vin fust vne puanteur, pour la similitude du vice. Oultre plus, en toutes plantes, animaux, choses inanimées, on sent ceste puanteur, quant elles commencent a se corrompre: moyennant qu'elles n'ayēt point prins leur origine de telle matiere puante. Car, cōbien qu'aucuns diceulx retiēnent & representent aucunemēt la mauuaise senteur de la matiere pourrie, cela toutesfoys ne s'ensuyt en tous, parce quil est certain que beaucoup de choses viennent & prēnent leur naissance de pourriture, lesquelles pourtant ne sentent mauuais, cōme sōt les champignōs, qui naissent des fumiers. Toutesfois les choses qui prennēt leur naissance de pourriture, causée par l'extinction de la chaleur naturelle, sont venimeuses, & de mauuaise senteur. Parquoy, pour dire en bref, toutes les choses de bon odeur sont cuittes, subtiles, & ne tiēnent que bien peu de la terre, veu que principalement toute la force & nature d'odeur, est mise en ceste exhalatiō chaulde. Les choses qui sentent mal, sont du tout

lodeur est en l'alci-
ne & ex-
piratiō ou
fumée pro-
uenante du
corps mix-
tionné.

THEOPHRASTE

contraires. Mais tout ainsi qu'entre les choses douces quelques vnes ont vn goust amer: ainsi quelques vnes bien sentantes ont vn odeur trop fort.

tout corps
cōposé ha
en soy ql-
que ppre
senteur.

Dauantage, tout animal, toute plante, & entre les choses sans ame, celles qui ont odeur, ont tous en soy vne propre senteur: mais pourtāt plusieurs ne nous semblent sentir, pource que ce sens est en nous fort imbecille: veu que plusieurs choses ne nous semblent du tout rien sentir, lesquelles donnēt quelque odeur aux autres animaux: comme lorge Cedropolitain semble si fort sentir aux Iumentz, qu'elles n'en veuillent taster: lequel touteffoys, nous n'estimons auoir aucun mauuais odeur. Pareillement les odeurs des animaux qui semblent sentir bon, bien souuent nous trompent. Si est ce pourtant que nul animal, sinon l'homme, n'appete l'odeur de soy, & pour la nature, comme y prenant plaisir. Au contraire les autres seulement entant quil est conioint avec la viande, veu que l'odeur & la souefuētē diceluy, offense & nuist a quelques vns, s'il

Lorge Ce
dropoli-
tain.

L'homme
seul appe-
te l'odeur,
pour le
plaisir ql
y prend.

s'il est vray ce qu'on dit des Vautours & Scarabées. Ce que pour dire en general, est du nôbre des choses, lesquelles manifestement aduiennent par vne cōtrariété & repugnance de nature. Dequoy qui en voudra dire plus specialement, faudra comparer le temperament de chacune chose, avec la vertu de lodeur. Les alimentz ne sont point sans quelque odeur plaissant, comme les menus fruietz des arbres, poyres, pōmes. Desquelz, combien que tu n'usé point, toutesfoys l'odeur plaist, & quasi mesme i'auserois dire, en estre plus agreables, Mais, pour faire en bref la diuision daucuns odeurs sont prinſes de soy, les autres a cause de la viande qui est consecutive, de laquelle ilz ont quelque signification. Ceux qui sont iointz avec les saueurs & viandes, sont estimés par vne consecution, les autres qui sont separées des viandes, & mis en vne respiratiō & quasi exhalatiō prouenante de lodeur, sont prisees de soy mesme: car, la plus part des choses odoriferantes, (cōme nous auons dit) ont vne saueur

Scarabées
& Vautours.

En Grec
ses menus
fruits sōt
Tà Acrō-
drya, en la
tin Baccæ
Il y ha en
Grec καὶ
αὐτὸς καὶ
καὶ τὸ σὺ μ-
βιβυξίς

τὴν αὐτὴν
καὶ καὶ
αὐτὸς.
du soufle.

THEOPHRASTE

mal plaisante, aspre & vn peu amere:& mesmes quelques vnes estant de bonné saueur, ont vn odeur puant, com-

Le figuier d'egypte, qu'on appelle, lequel a gouster est doux, sinon partout, pour le moins en certaine region. Sem-

Deuxiemes, Ge- blablement le geneure quant on le mache semble estre puant, & toutefois est doux, & cause en l'urine vne bonne odeur. Mais pour autant qu'aucunes des senteurs sont es plantes, & parties d'icelles, rameaux, feuilles, escorces, & larmes: d'autres ainsi qu'auons diuisé cy dessus, es animaux, & choses sans ame: il est tout manifeste qu'en se cuisant chacun en sa place, ilz meurissent:& en ceste sorte, chacun selon la proprieté de son naturel, acquiert la grace & plaisir d'odeur. La cuisson suit la chaleur naturelle. Aux choses sans ame, elle suit les puissances & qualités des quatre elementz, corps simples, & ainsi les odeurs sont faitz, & se changent comme les saueurs.

28 Proposition principale
de tout le liure.



Aintenāt, verforçōs nous
de dire quelque chose des
senteurs qui se fōt artifi-
ciellement: ainsi comme
nous auōs dit des saueurs.

Il est manifeste que en tous deux fault
tousiours regarder, a ce qui est parfait:
comme toutes disciplines ont coustu-
me de faire. Or doncques, fault estimer
certainement, que il ya des senteurs qui
ne sont meslées: lesquelles les perfu-
meurs s'efforcent rendre plus singulie-
res par leur appareil, ainsi comme on
deguise les saulces. Si est ce, pour dire
en brief, que la plus grāde part est mise
en mixtion & temperature. Par ainsf, en
parlant sommairement, les senteurs arti-
ficielles sont contenues principale-
ment en la meslange de deux, qui sont
le sec & l'humide. Laquelle se faiēt en
troys sortes, ou quant on mesle les cho-
ses semblables: ou choses diuerses, com-
me l'humide avec l'humide, le sec avec

πρὸς τὸ
βέλτιον ἢ
ἀναφορά.

Ad id
quod me-
lius rela-
tio.

Origine
principa-
le des sen-
teurs, sec
humide,
ce qui se
faiēt en
trois sor-
tes.

μίσχεται
Vnguentariū dro-
guer.

en ce lieu
il separe
μίσος &
χρίσμα
vnguentū
& vngué,

le sec. Car la vraye cause & origine des odeurs & saueurs, seullement est mise en ses deux qualités dernieres: tellemēt que les parfumeurs, & ceux qui composent le diapasme, meslent les senteurs seches avec les seches: & ceux qui mixtionnent les onguentz, ou les detrempent dans le vin, meslent les humides avec les humides. La troysiesme bien vfitée est, de laquelle vsent les drogueurs, meslāt choses humides avec seches. Car telle est la composition de toute sorte d'onguēt: mais il fault auoir egard qu'el les senteurs se peuuent mesler commodemēt & bien apoint, avec telz ou telz onguentz, & a quoy telles senteurs & onguentz ainsi meslés ensemble, profitent a faire de tous vn seul odeur, ainsi comme on fait de plusieurs saueurs, vne. Car en ceste sortē sont les cuisiniers pour bien aseasonner. Par ainsi les choses susdittes sont la plus part de celles, par l'ayde desquelles & les drogueurs, & les cuisiniers viennent a chef de leur entreprinse, chascun selō son art. Mais, quelques vns sont seullemēt faitz pour delecter

delecter l'odoremēt, les autres seruent quasi de saulce au goust: cōme quant on mesle avec le vin, onguent & choses aromatiques. Car la conionction de ses deux sens est si grande, qu'ilz ont vn usage fort conioint. Ce qui fait, que aux banquetz de grand appareil, on met peine de faire que la viāde sente bon. Toutteffoys, a l'aduenture, quelqu'un en ce lieu demandera, qui est la cause pour laquelle l'onguent, & les autres senteurs, meslés avec le vin, le recōmandent d'auantage: au contraire routes senteurs, tant celles qui ont passé par le feu, q̄ celles qui niōt point, gastēt le plus souuēt les viādes. La cause est, que non seulement ils reserrent la saueur des choses seches, mais pout icelle, epandent la leur, qui est coniointe avec quelque acerbité & amertume. Car tout ce qui est bien odorant, est de telle nature. Et on le sent mieux en machant, pour ce qu'il est brisé, principalement quant il est gardé quelque temps en la bouche. Mais au vin il ne se fait ny l'un, ny l'autre, pource que son suc est aspre, vehé-

τὰ μύρα ἢ
τὰ ἀρώμα-
τα τοῖς
οἷνοις ἐπι-
χρίοντες.

Obiectiō

Les vnes
πεπυρω-
μένα
ataintes
du feu, les
autres
ἀπυρωτα
sans feu.

toute cho-
se odoran-
te est acer-
be & ame-
re.

χύλος οὐ
 του ἰσχυροῦ
 ταντος, καὶ
 πλείονος εἰς
 τὸ κρατῆ
 ρος.

321

οἶνος δ' ἔφα
 ρος δ' αἰ
 νος τὰς
 σμάς.

Le vin est
 apte pour
 recevoir
 les odeurs
 Doubte.

322

323

324

ment, & en plus grande quantité, qui
 puisse estre facilement surmonté: &
 pource qu'il ne demeure qu'un mo-
 ment au goust, passant legierement par
 dessus: en telle sorte que ce qui est doux
 & amiable en luy, le goust le congnoist
 bien, & s'en aperçoit incontinent: mais
 ce qui est amer & facheux, le vin ne luy
 donne a cognoistre. Mais, a la verité,
 il aduient que l'odeur est quasi la saulce
 du breuuaige, principalement au vin
 doux, a cause qu'il desire l'odeur, du-
 quel il est privé. Aux autres genres de
 vin, pour ce que par la mellage de deux,
 s'engendre quasi vn odeur confus. Car
 le vin (comme il ha esté dit deuant) est
 tres apte pour detremper les odeurs.

Oultre, cela n'est sans doubte, pour-
 quoy les fleurs estant de petite odeur,
 sont toutesfois sentuees de loing: au cō-
 traire l'iris & le nard, ensemble toutes
 les autres choses odoriferantes, seches,
 estant d'un odeur plus ferme & vehe-
 ment, ne sentent que de pres. Et mesme
 aucunes dicelles, ne sentent rien auant
 que d'estre machées: d'autres auāt qu'e-
 stre

stre cassées & broyées, d'autres aussi faut brusler, comme est la myrrhe, l'encens, & tous perfuns. De toutes lesquelles choses, la cause est, pour ce que la cause de l'odeur aux fleurs est en la sommité, d'une substance rare & tenue: toutes les racines & choses fermes ont la cause de l'odeur serrée au milieu de leur substance, & sont environnés de choses bien serrées & quasi bruslées. Qui fait que si tost il ne peult sortir. A ceste cause, les fleurs espendēt loing leur odeur, les autres ont besoing d'ouuerture. Et pour ce, elles sentent fort, quant elles sont brisées ou pilées: au contraire les fleurs quant on les pille, commencent a mal sentir. Pour ce que par ceste contusion les racines monstrent leur force qui estoit deuant serrée: & les fleurs la perdent se meslant avec vne vertu estrange.

La cause pourquoy les fleurs sentēt de loin, & les racines de pres.

Ἐνοσίφε τῶν ὀσφῶν
ouuerture de per-
tuis.

Car l'odeur des fleurs par cōtusiō se mesle avec leur humeur, lequel re-primāt, & etraignāt ledict odeur sent mauuais.

L'Encens, la myrrhe, ensemble les choses qui sont d'epesse nature & pl^e serrée, ont besoig de petit feu, lequel les echauffant peu a peu, fa-

ce yfsir d'eux vne petite fumée, en laquelle proprement est leur senteur.

Car si quelqu'un pile ou broye l'encens, ou la myrrhe, ilz rendront bien quelque odeur, n'ompas si ioyeux que celui qui prouient de la susdite fumée, & n'est bon pour garder affin de sen seruir. Donques telles sont presque les causes des choses desia dites.

Il signifie
qu'il y ha
des on-
guentz
& odeurs
propres a
garder,
de autres
non.

La confe-
ction des
onguentz

Au reste la composition des onguentz, appartient du tout, & est quasi inuentée pour les odeurs: pour autāt ilz sont mis dans de l'huile, affin qu'il s'en face vn onguent de longue durée, & a profit. Autrement, l'huile de sa propre nature, n'recoit aisement odeur, a cause de son espaisseur & sa gresse. Et entre les huilles celle qui est la plus grasse, comme celle d'amandes, ha peine prend elle & recoit odeur: mais l'huile Sesamion & celle d'olif, comme n'estant si espesses & grasses, recoiuent aisement. Si est ce toutesfois, que les faiseurs d'onguentz, vsent le plus souuent d'huile de Glans d'Egypte & Syrie, pour ce qu'entre toutes les huilles, elle est la
moins

moins grasse. Veu que mesme d'entre les huilles d'olif, ilz vsent principalement d'huile e phaulia, composée d'olives vertes, laquelle rend vn humeur fort liquide & peu gras, principalement quand elle est fresche, non vieille. Car celle qui passe l'année est inutile, a raison qu'elle est trop espesse & grasse. Parquoy telle huile est bien commune aux onguentz. Car elle est exempte & priuée de toute senteur.

Quelques vns sont d'opinion que l'huile d'amandes ameres est bien vtile aux onguentz. Duquel en est faite grande quantité en Cilice, & mesme de ceste huile les ciliciens en font de l'onguēt. Ilz disent bien d'auantage, qu'elle est fort propre aux onguētz qui sont mesme les plus precieux: comme est aussy l'huile balaninon. Car elle rend les coquilles & superfluitez de glans qu'on iette dedans elle, tresodorantes, ce que fait semblablement l'huile d'amandes ameres.

Mais, (ie vous prie,) cōment cela peult il estre vray semblable, qu'il y aye des

Diuerſes
opinions
des huil-
les apres
pour les
onguentz

Demāde.

huilles sans odeur, (cōme est celuy d'oliues vertes) & que dicelle on puisse faire des onguentz? Veu que l'huile d'amādes ameres de soy est pleine de grāde acrimonie, si ce n'est par aduenture a cause que l'huile quant elle se cuist deuient rance & comme moisie. Il fault doncques penser a cela.

Ilz nom-
moient
telz per-
funs,

σιματα
ceux cy
ιδυσμα-
τα.

Tintu-
riers.

Maniere
destrain-
dre l'huile,

Les faiseurs d'onguentz vsent de choses aromatiques, en partie pour dicelles restraindre l'huile, en partie pour l'abreuuer, du medicament odoriferant.

Car ilz ferrēt & estraignent tout huile quelle quelle soit, afin de receuoir mieux l'odeur, & de s'emboire d'auantage, comme ont de coustume faire les Tinturiers.

Mais toute huile est estrainte d'odeurs plus debiles, puis apres ilz iettent en l'huile la senteur de laquelle ilz veulent que l'huile retienne l'odeur. Car ce qu'on iete le dernier, combien qu'il soit de moindre quātité il est tousiours trespuissant. Comme, pour exemple, si en vne chopine ou pinte d'huile, on met vne liure de myrrhe, puis apres on

y iettoit deux drachmes de Cinamomō
 A l'auenture quelqu'un s'esmerueillera
 comment il se peult faire que les bon-
 nes senteurs desia mises en l'huile, la
 rendēt plus apte a receuoir odeur: veu
 qu'ilz flairent eux mesme, lesquels fau-
 droit estre sans odeur. Car il fault que
 ce qui doibt receuoir senteur, il ne sen-
 te riens luy mesme. Ce qui est occupé
 par vn odeur, n'est pas sans sēteur, pour
 autant il falloit qu'il fut moins apte a
 receuoir odeur, & les choses mises en
 luy estre moins odoriferantes. La cause
 par aduenture de tous est toute de mes-
 me. Car veu que les premieres senteurs
 ietées dedans l'huile, auant qu'elle soit
 estrainte, sont seches, ilz tirēt & recoi-
 uent a soy toute la gresse de l'huile, &
 par ce moyen ostent l'entretienement
 & epaisseur d'icelle. Laquelle estant ain-
 si rarefiée, esclercie, & sans gresse, (en la-
 quelle principalement est son odeur,) elle
 est faite plus apte a receuoir ce qu'on
 y met puis apres, comme celle qui desia
 ne resiste plus.

Oultre ce, l'odeur des choses aromati-

Combien
 que le cy-
 namomō
 soit en
 beaucoup
 moindre
 quantité
 q la myr-
 rhe, tou-
 tesfoys es-
 tant mis
 le derni-
 er, l'huile
 ne retient
 que sa sen-
 teur.

Obiectiō.
 Argumen-
 tatiō par-
 faicte.

La cause
 du prece-
 dent.

L'odeur
 de l'huile
 est en sa
 gresse, la-
 quelle fault
 oster auāt
 que incor-
 porer les
 onguentz

ques, mesme au commencement quant il prepare l'huile est debilité, comme estant desia consommé en la gresse de l'huile, en laquelle il est contenu.

Pource que ceste gresse estant serrée, et touppe & cōstipe les trous par lesquels l'odeur deuroit saillir. Parquoy il fault a bon droit conclure, que ce qui est iecté le dernier en l'huile, ores qu'il fut en plus petite quantité que le premier, que seullement elle reçoit & retiēt l'odeur du dernier qui ha esté mis en elle. Car iceluy dernier estant fort, entier, & n'ayant perdu aucunemēt sa senteur, tombe en celuy qui est debile.

Mesme, la durée d'un chascun respond par proportion a la resistance qu'il fait au feu: & ainsi en toutes autres qui sont de semblable genre. Car toute huile qui boit promptement, & peult beaucoup retenir, comme est l'huile balainon, est ausly de longue durée, pour mesme cause, par ce que d'autant qu'elle est plus capable a recevoir, d'autant ausly se conioint en vn plus facillemēt, ce que principalement est de longue durée.

Cōclusiō
du prece-
dent avec
la raison.

proportio
en Grec
ἀναλογία
de la du-
rée de
l'huile, &
son imbe-
cillité de
resister en
la cuisant

durée. Qui fait que mesme quant on la cuist deuant le feu, elle s'en sent moins & ne se semble diminuer. Pareillement fault dire de l'huile sesaminon que des autres especes d'huilles, pource qu'elle est fort reptible. L'huile d'amandes subitement s'enuieillit, & ne dure long temps pour contraire cause. Car ce qui ne reçoit gueres, se change aussy bien tost. Le Rhodinon se porte fort bien, & est de longue durée, quant il est fait d'huile sesaminon, a cause de sa gresse: si est ce toutesfois qu'en le cuisant deuant le feu, l'exhalation & vapeur qui en sort, sent quelque peu l'huile Sesaminon, non pas la rose, ainsi comme quant il est consommé.

Voyla doncques les gères & vertuz des huilles, telles comme nous les auons dites. Dauantage toutes les senteurs & choses aromatiques, Les fleurs seulement exceptées, sont presque toutes chaudes, seiches, estraignantes & reserrantes, poignantes, & aucunes pareillemēt ont quelque amertume, ainsi que nous auōs deuant dit: comme est l'iris,

les forces
generales
des choses
aromatiques,

Les ver-
tus d'apres

Moyende
faire bons
perfus, sans
grande di-
minution
des dro-
gues.

la myrrhe, l'encens, finablement aussi les onguentz. Et certainement les vertus de restraindre & echauffer s'ont tres-cômunnes, & telles que les huilles exercent plus apertement, doncques par le feu & quât on les cuist toutes se restraignent: mais au contraire quant ilz sont refroidis, sans ayde du feu, ilz ont de plus singuliers odeurs. Il semble qu'il y ha vne mesme raisõ aux odeurs comme aux fleurs, desquelles les vnes sont plôgées en vne liqueur froide, les aultres en vne qui est chaulde. Oultre, la cuisson de tous, soit que tu traueille a les estraindre, soit que a les faire sentir bon, il fault la faire non pas sur le feu clair, & qu'elle puisse auoir attouchement de luy, mais fault prédre deux vaisseaux, l'un plein d'eau chaude, l'autre sans eau, en leq̃l est cõtenuë la matiere des choses odoriferantes, & le mettre sur ledit vaisseau plain d'eau, partant que nous voulous faire vne singuliere senteur. Ce qu'on doibt aussi faire parce qu'il fault que la chaleur qui excite l'odeur & fumée des choses odorife-

rantes

rantes soit douce & benigne, avec ce qu'il se diminueroit trop par la flamme, & que les choses ainsi cuittes sentent la plus part le brulé. Oultre ce toutes choses boullantes qui epuissent les bonnes odeurs, font moins cuire que les froides. Pour ce que les choses qui se cuisent, doibuent deuant estre detrempées ou en vin fort, ou en caue. Car elles emboient moins, les froides au contraire pourtant qu'elles sont seches emboient plus, comme fait l'iris battue. Car si on prenoit vne mesure d'huile, qui contient la huitiesme partie d'un muy de vin, qu'on appelle quadratal, & vne mine avec deux demis septiers d'iris seché & broyée sās estre detrempée dedās le vin ou autre liqueur: on dit qu'il se feroit vne grāde diminutiō. Mais si on la detrempe mediocremēt, il s'en fera enuiron 12. septiers. Il y en a plusieurs qui la detrempēt moins: touteffoys l'ōguēt irinon en sera plus exquis si l'iris est seche, nō cuite: pour autāt qu'en ceste maniere sa force est plus pure & entiere, q̄ si elle estoit macérée & cuite.

Et souuent il aduiét que les choses qui ont esté enflées deuant, pour ce qu'elles ne peuuent plus attirer a soy, elles poulsent quasi le tout dehors. Mais quād ilz ont estraint & epessi l'huile, ilz ne laissent long temps les senteurs dedans iceluy : ains incontinent les ostent, de peur qu'elles ne s'emboient trop. Encore d'auantage ilz iettent dedans vn chascun des onguentz les senteurs telles qu'il appartient: comme dedans l'onguent cyprinon, du cardamomon, de laspalaton, & detrempent le tout avec du bon vin. Dedans le Rhodinon ilz mettent du jonc odorant, de la canelle, de laspalaton, le detrempent aussy comme l'autre. Dedans les autres ilz meslent ce qui conuient pour les epessir. Il fault en oultre entēdre, qu'on met dedans le Rhodinon assés grande quantité de sel, ce qui luy est propre par dessus tous les autres. Pour autant en la cuisson d'iceluy, il s'en fait grāde diminutiō: de sorte qu'il est besoing de mesler en vne mesure d'huile contenant la quarte partie d'un muy de vin, deux

Rhodinō.

mines.

mines de roses qui valent douze boyseaux. La confection de longuent cyprinon est presque semblable a celle du Rhodinō, excepté qu'en faisant l'onguent cyprinō, si on ne l'oste subitemēt exprimé & pressuré, il suruiet en luy corruptiō & secheresse telle, qu'est celle qui corrompt les onguentz, a cause de la puanteur qui est en luy. Car se humectant & deuenant moyte dedans l'huille, il se corrompt & pourrit. L'onguent melinon se compose ainsi qu'il s'ensuit. L'huille estant premier epesie & refroidye, ilz mettēt les pommes de coin: cela fait, vn peu apres ostent lesdittes pommes deuant qu'elle se noircissent, pour autant que s'il aduenoit qu'elles deuinssent noires, elles gasteroient l'onguent, cōme deuenant moillées ainsi qu'en longuent cyprinon.

Cyprinō.

Melinon.

Outre ce, de tous les onguentz aucuns sont composés en partie de fleurs, ou de fucilles, ou de reiettons d'arbres, ou de la racine, ou du boys, ou du fruit, ou des larmes: mais vniuersellement tous sont quasi faitz par mixtion. Les com-

Aultre diuision des choses, desquelles les onguentz sont composés.
Composés de fleurs,

posés de fleurs sont le Rhodinon de fleurs de roses, Le leucoion ou violat, de violettes blanches, le sousinon de fleurs de lis : puis le sisimbrinon, de fleurs de menthe, Le serpillinon, de fleurs de serpoulet, Le cyprinon, de fleurs de troesne, le crocinon, de fleurs de safran, lequel est singulieremēt composé en l'isle d'ægyna ou Cilicie. Des feuilles sont cōposés le myrteō, de feuilles de murte, l'enāthinō, de feuilles d'enāthe, laquelle viēt volūtiers en Cypre aux montaignes, qui fait qu'elle soit de grande senteur, & pour ceste cause de celle la on en fait l'onguent enanthinon, non pas de lenanthe, qui croist en Grece, pour autant que au regard de l'autre, elle n'a aucune senteur.

De feul-
les.

En lappel
lation des
onguētz,
Theo -
phrasste la
de con -
stume les
nommer
par la cho
se qui est
en eux do
minante
des ra -
cines.
De boys.

Des racines, comme est l'irinon, qui est fait de la racine d'iris qu'on appelle flābe, le nardinō, de la racine de nard, l'amaracinon, de racine de mariolaine & de coq, laquelle racine les herbiers ordinairement appellent costus. Celuy qui se nomme eretricon est fait de la racine de fouchet, lequel on apporte des

Isles

Isles fortunées. Du boys, l'onguent palmeon, qui est fait du boys de la palme, apres que la spathe de ladicte palme est desechée, qu'il appellent sapin, la mettent en l'huile. Des fruitz, comme le melinon, fait de pommes de coin, le myrtinon, du fruit de murte, le laurion, du fruit de laurier. L'onguent Acgyption est fait de plusieurs drogues, comme canelle, myrrhe & autres. L'onguet megaleion est encore fait de plus de sortes: car il entre en sa compositiō, & de la canelle & de la myrrhe broyée. De larmes, le staete: car de la myrrhe battue, on tire l'huile, lequel pource qu'il coulle & distille goutte a goutte, on l'appelle staete, lequel plusieurs dient estre l'un de tous les onguents le plus simple & moins mixtioné: car tous les autres sont composez, ou de moins, ou de plus. Lirinon est fait de moins que tous les autres, ainsi certes aucuns l'estiment. D'autres dient que la composition du staete est telle qui s'ensuit, cest assauoir apres la myrrhe quassée, puis fondue en l'huile balaninon, eschauf-

Spathe, selon Pline, cest vne sorte de arbre, selō Theophraste en ce lieu & au liure des causes des plantes, cest le rameau de la palme. Des fruits Delarmes

Opinions de la compositiō du Staete.

fée a petit feu lēt & bening, il fault verser de leau chaude, affin de faire aller le myrrhe au fond de laditte huile, & la demener comme si c'estoit de la lyc: puis apres que la myrrhe est ainsi deualée au fond de laditte huile, fault couler & passer leau, & le reste qui est demeuré au fond, cōme ceste epeisseur, le fault presser avec instrumentz a ce propres, ou avec vn pressoir.

Compo-
sition du
megaleion
& de gy-
ption.

Mais ilz dient que le megaleion & l'egyption sont difficiles a cōposer a cause de la multitude des drogues qu'il y fault mesler, & fault qu'elles soient precieuses. En la composition desquelz ilz meslent de la resine brulée, de la canelle, de la casse, de la myrrhe, du cinamomon avec de l'huile balaninon. Laquelle, auant que d'y mettre les susdites drogues, fault cuire l'espace de dix iours & autant de nuitz, l'euetant sans cesse: ce fait, fault metre la resine & toutes les autres drogues en ladite huile: laquelle ainsi preparée & bien cuite est plus capable & ydoine a recevoir davantage. Entre les precieux, l'amaraci-

non

Car elle
semboit
mieux, par
ainsi reti-
ent pl^s de
senteurs.

non est fort singulier, a cause des excellentes & precieuses senteurs qui entrēt en sa composition, sans mariolaine toutesfoys: de quoy est facile a cognoistre, veu que les drogueurs n'usent point de mariolaine a cōposer leur amaracinon, que le non d'iceluy est faux, & ainsi mal nommé. Mais dauantage entre leurs onguentz ilz donnent couleur a d'autres, a d'autres non: ilz colorent l'amaracinon, le rhodinon, le megaleion. Ilz ne colorent point d'entre les precieux l'egyption, le melinon, le cyprinon, ne tous ceux qui ne sont point en grand estime. Outre a ceste cause ilz ne colorent l'egyption & le cyprinon, affin qu'ilz soient blancs comme ilz veulent: aussi ne font le melinō, affin qu'il ayt couleur des pommes de coin. En ce qu'ilz ne veulent donner couleur a ceux qui ne sent de grand pris. Il n'y a point de danger. Maintenant ilz enduisent & teignent les medicamentz rouges, d'anchuse, l'amaracinō, d'ocre quō appelle: ceste petite racine est apportée de Syrie: dauantage non seulement ses

Les onguentz colorés.

Amaracinō est ainsi mal nommé, car il n'est point de mariolaine en sa composition.

choses semblent estre propices & profiter a exciter le gouſt, mais auſſi l'acrimonie & chaleur d'icelles. Qui fait que les drogueurs meſlent le plus ſouuent

Choses avec leurs drogues choses aiant acrimonie & chaleur, pour leur ſeruir d'eguil-
 cres ſer- nie & chaleur, pour leur ſeruir d'eguil-
 uent des- lon. Or, quant a la myrrhe elle eſt chau-
 guillon. de, & avec vne vertu aſtringente, eſt
 Les fa- mordicâte & amere. Le cinamomô ha-
 cultés des vne acrimonie, moderée avec chaleur,
 choses a- comme le coſtus. La caſſe par ſa vertu
 romati- & vehemence de pouuoir echauffer &
 ques. reſtraindre les ſurpaſſe. Pareillement
 l'iris eſt chaude, aſtringente & amere
 par oultre meſure: ſur tout, ſi elle eſt

Liris cuil freſchement cueillye. En ſorte qu'elle
 lie defraie fait des veſies aux mains de ceux qui la
 fait venir manient recentemente. Le cardamomô
 des veſies auſſi eſt mordant avec chaleur. Le ſuc
 aux mains de ceux q de baſſamon & ſa ſemée poignent &
 la maniér. echauffent dauantage, que ne fait le car-
 damomô, & ſont plus violans que luy.
 Le boys de baſſamon n'a pas ſi grande
 force de mordre & echauffer que le
 ſuc ou la ſemence. Le cinamomon eſt
 eſtimé auoir telle uiſſace que luy. Le

ione odoriferant est plus chaud & poignât que le calamus odoratus: sans cela toutefois ilz estreignent semblablement l'un & l'autre. Le fouchet est plus estreignant que nul d'eux. L'aspalathus odoriferant estreint aussi, cōme le nard point avec vne chaleur. Le maron, & l'ocre qu'on mesle avec l'amaracinon ont force de chauffer. La petite racine d'achuse profite grādemēt pour dōner couleur a l'onguēt rhodinō & irinon. Dauantage entre les choses aromatiques daucunes ont incōtinēt leur puissance quant elles sont fresches & nouvelles, lesquelles vieillissantes, iusques en leur force: s'adoucissent, a la fin perdent toute leur force & se passent, comme l'iris apres estre cueillie, par l'espace de troys ans est bonne en cōfection, & le plus souuent dure six ans, le maron deux ans, la myrrhe dix ans, amendants tous les iours. Au cas pareil le cinamomon, le costē, la casse demeurent long temps en leur force, au cōtraire le ionc odorant & le calamus se passent bien tost. Mais, entre les fleurs, les vnes in-

En quelle
saison les
odeurs sōt
en leur vi-
gueur.

continent qu'elles sont vertes sans les faire secher sont en leur vigueur, comme les roses; d'autres n'ont point de force sinon seiches, comme le melilot & safran, par ce qu'estants verds sont fort humides, parquoy la nature & puissance des choses aromaticques doit estre estimée par les choses susdittes.

Usage
des on-
guentz.

Le sel de-
seche &
echauffe.

Il y a en
grec ελ-
σάχνη

qui vault
a dire ε-
φρός θα-

λάσσης,

escume de
mer q sert
au mal des
aureilles.

Mais le megaleion semble adoucir & reprimer l'inflammation de toute vlcere. Le rhodinon est propice a la douleur des aureilles, & ce non sans cause.

Car l'onguēt megaleion estant composé de resine brulée (cōme nous auōs dit) de case, cinamomon, & myrrhe: toutes lesquelles choses ont force d'estraindre & desecher, fait qu'il soit bien conuenable pour reprimer l'inflāmation.

Le rosat aussi profite a la douleur des aureilles, parce qu'en le faisāt on y mēle du sel, par le moyen duquel il desech & echauffe. Et pour la mesme cause l'escume de la mer est salubre a laditte maladie des aureilles. Mais quant a ce qu'il dient que le rodinon guerist la difficulté d'uriner, cela desire bien d'estre prouué

prouué par raison. Sera doncques la cau
 se & raisõ principale, pource qu'il fault
 que les choses par lesquelles lon veut
 remedier a ceste maladie, premieremẽt
 delient & resouldent l'humour espes
 & visqueux, lequel fault tirer dehors,
 ceq̃ le sel ha puissance de faire. Dauan
 tage les choses odoriferantes, desquel
 les le rodinon est presque tout compo
 sé, ont puissance de faire couler l'urine:
 mais on pourroit demander pourquoy
 donc l'irinon n'a aussi puissance d'e
 mouuoir les vrines, veu qu'il est odo
 rifiant? Est ce pour ce qu'il estraint, &
 par ceste astriction il serre les conduitz
 par lesquels passe l'urine, & estans ainsi
 etrouppés l'urine ne peult passer, ou par
 ce qu'il fait auoir bon ventre, le tenant
 tousiours mol, tãt par sa vertu de chauf
 fer, que parce quil estraint les veisſeaux
 par ou passe l'urine: lesquels estrains, &
 cõme bouchés, toute l'humour s'en va
 d'ans les intestins, qui fait descendre la
 matiere fecale? Pour dire sommaire
 ment, la cause est mise es vertus & puis
 sances desquelles nous auõs tenu pro

Pourquoi
 le rodinõ
 profite a la
 difficulté
 de vrine.

Obiectiõ
 contre la
 cause ren
 due du ro
 dinon.

pos par cy deuant, qui sont que les onguentz ont puissance d'estreindre & chauffer: parce que les senteurs desquel les il sont composés sont telles, & portent medecine: mais tout cecy est hors de l'art de composer les onguentz.

La mixtiō
des sen-
teurs n'est
certaine.

Les causes
de la va-
riété des
forces qui
sont aux
odeurs.

L'estat &
dispositiō
de l'année

AVreste, la mixtiō & temperatu-
re des senteurs n'est point en tel
le sorte limitée, certaine & defi-
nie, que de mesme chose odori-
ferante & bonne, il en puisse tousiours
sortir bons onguentz & odeurs. Car le
plus souuent il aduient que d'une mes-
me chose il ne s'en face vne semblable:
ce qui se fait en les choses aromatiques
a cause de l'inequalité de leurs forces.
De laquelle variété & inequalité, il y ha
plusieurs causes. La premiere, qui con-
uient pareillement aux aultres fruitz,
c'est l'estat & disposition de l'an; laquel
le auantefoys & le plus souuent fait,
que les fruitz & odeurs ont vertu plus
grande ou debile. L'autre cause est en
la collectiō des fruitz & senteurs, ou
qu'ilz ont esté recueillies & amassés plus
tost

tost qu'ilz ne deuoient, ou beaucoup
 plus tard après leur maturité. Car cela
 n'est a négliger. La troysiesme est, qu'a-
 près la collectiō il fault veoir ceux qui
 ont affaire de temps, pour estre en sa
 force, comme il ha esté dit. Car en cela
 il est permis anticiper, preuenir, retar-
 der, ou s'abstenir. De toutes les causes,
 quant a la premiere qui est la dispositiō
 de l'ā, elle n'est point en nostre puissan-
 ce, sinon pour cognoistre en ayant e-
 gard a l'année, d'aucunes auoir plus de
 force, d'autres estre plus debiles. Mais
 ce que cōserue l'opportune collectiō
 des fruietz ou senteurs: & ce qu'il fault
 obseruer apres qu'elles sont recueillies,
 cela est en nostre puissance. Tellement
 que celuy qui est expert & bien aprins
 de les amasser en leur saison, il s'en trou-
 ue beaucoup mieux, ioint aūssi qu'il
 fait de plus excellens odeurs. Parquoy
 l'origine & composition des onguetz
 sera des choses susdittes. *THEOPHRASTUS*
 L'egyption, l'irinon, l'amaracinon,
 nardinon sont de treslongue durée.
 Mais le stacte est de plus longue que

La dispo-
 sition de
 l'ā ne est
 en nostre
 puissance,
 sinon que
 pour co-
 noistre.

Il cōmen-
 ce a parler
 des on-
 guetz qui
 durēt plu-
 ou moins.

Histoire
de la du-
rée de l'œ-
guët Ae-
gyption.

Les on-
guentz de
racines du
rent plus,
ceux de
fleurs
moins.

tous. Car il peult durer vn' eage, ou
pour le moins long temps. Vn qui-
dam marchand s'est vanté, dauoir ain-
si accoustré en sa boutique l'onguent
Aegyption qu'il aye duré pour l'arrie-
saison huit ans. L'irinon vingt ans : &
dit bien d'auantage qu'il est encor meil-
leur & plus entier, que ceux qui sont
maintenant en leurs forces.

Les especes d'onguentz, en la compo-
sition desquelz les fleurs entrent, sont
tous imbecilles & de petite durée: aus-
quelz pareillement aduient d'estre en
vertu & puissance apres deux moys pas-
sés: le reste de l'année d'autât plus qu'on
les garde, d'autât s'épirét d'auantage, &
perdent leur force. Principalement au
temps & saison qu'une chascune des
fleurs desquelles ilz sont faitz & com-
posés, est en la sienne. Mais il fault me-
surer ceste imbecillité de ne pouoir du-
rer long temps selô leur meureté trop
hastive, pour autant qu'ainsi meurissant
deuant leur saison, legerement l'exala-
tion de l'odeur se passe, & du tout sou-
dain s'euanoit: comme estant le pro-
pre

pre des fleurs se passer & expirer facilement. Au contraire ceux qui sont composés de racines, & autres odeurs durent dauantage, par ce que leur odeur est plus plantureux, abondant, ferme, espes & corpulent. Mais la constitutiō de lan estant chaude, le lieu semblable, le soleil, & si les onguentz sont en lieu exposé au soleil, tout cela les gastent & fait qu'on ne les puisse garder longuement. A ceste cause les apoticquaires drogueurs, parfumeurs & autres qui se messēt de la composition des onguētz, ne cherchēt logis exposé au soleil, ou qu'il y puisse frapper aisēmēt, qui soit ort & villain : mais demandent vne belle chambre, asses haulte, fraiche toutefois, & ombrageuse, en laquelle quelque petit vent froid puisse frapper facilement. Car le soleil & la chaleur ostent les odeurs & les font euanouir : oultre plus les abatardit plus tost & detourne de leur estat naturel, que ne fait le froid. Car iacoit que le froid & la glace soient cause que l'onguent sente moins, pout ce qu'en l'e-

Qui fait
quil resi-
ste mieux
a corrup-
tion.

Quel lo-
gis demā-
dent les
apotiquai-
res.

streignant ilz r'enferment & r'embarrent l'exhalatiō prouenāte de l'odeur, en ce faisant toutesfoys ilz n'ostent du tout la force de l'onguent. Ce que s'il faisoient aussi aduiendroit vn desplaisir & faute grande, comme il est aisē de veoir en le vin & autres liqueurs, quant leur chaleur naturelle en est ostée, lesquelles alors tout subitement ou s'aigrissent ou se pourrissent. De maniere que a cause de la froidure qui est en le plomb, les drogueurs mettent leurs onguentz dedans des vaisseaux de plomb, ou en cherchent d'albastre, ou de pierre froide, comme l'albastre. Lequel froid & epes (comme est aussi le plomb & la pierre qui est telle que ledit albastre) & tout autre vaisseau semblable, est bien commode & propice pour garder les onguentz. A ceste cause telles boystes d'albastre & de plomb, conseruent les onguentz, pour deux raisons, tant pour leur froidure, que pour leur epaisseur: veu que principalement & sur tout ilz ne laissent exhaler ou saillir hors l'odeur: &

ne

Boystes
propres
aux dro-
gueurs.

ne recoiuent ou laissent entrer dedans en façon que ce soit, chose quelconque. Car, si l'odeur sortoit aisement dehors ou s'expiroit, incontinent aussi l'onguent se gasteroit: & s'il entroit aucune chose dedans les vaisseaux, le corromproit, semblablement, & mesme si ce qui vient de dehors estoit contraire & aliené de nature: veu que c'est chose quasi, comme ordinaire que les odeurs, sur tout s'ilz ne sont naturelz, sont corrompus par quelques vents, ainsi comme i'ay desia dit.

ENtre les onguentz de pris, l'Amaracinon cause douleur de teste, ce que fait aussi le nardinon & le megaleion. D'entre les infimes, presque tous, toutefois le laurion en est des premiers. Le rodinon & cyprinon sont plus doux que tous les autres, & font moins de douleur. Tous lesquelz avec celuy de lys, semblent aussi estre beaucoup plus seans & conuenir aux hommes que aux femmes. Ausquelles conuient fort bien le stacte, & le megaleion.

Les onguentz qui font douleur de teste.

Onguentz propres aux femmes.

L'egyption, le nardinon, l'amaracinon
 Car les femmes demandent les on-
 guentz & senteurs qui sont de plus lon-
 gue durée : lequels (comme les dessus
 nommés) a cause de leur vertu & epef-
 seur, ne se tournent aisement en vne
 mauuaise senteur, ne recoiuent facile-
 ment ordure & villenie, comme vne
 puanteur, & apres qu'ilz sont oingz,
 ou qu'on en est parfumé, tiennent plus
 ferme sur le corps. Mais, pour ce qu'en-
 tre ceux que nous auons nombré, les
 vns sont debilles & quasi de nulle sen-
 teur, les autres sont fortz, excellentz,
 & de grand odeur: certainemēt les plus
 singuliers seront ceulx qui sont faitz de
 racines, & autres desia ditz. Pourtant,
 si ceux de fleurs ne sont frottés entre
 les mains ilz flairēt singulieremēt bon
 & rendēt vne plaisante senteur: au con-
 traire, ceux qui sont de racines, & les
 autres si on les frotte ou broye, ilz sēti-
 ront fort bon, lesquels auant qu'estre
 pillés ou frottés ne sentoient rien.
 Car, quāt on frotte ainsi ceux de fleurs
 entre les mains ou autrement, toute
 leur

leur force s'euanouit & pert en lair, lesquelz ainsi echauffés en les frotant degenerent & perdent tout leur naturel. Mais, ceux qui s'ont préparés de racines a cause de leur force naturelle & fermeté cōme si quelq's petis trous estoient ouuers en lesdittes racines par friction & froissement, rendent vn odeur sans cōparaison plus souef & plaisant, que ne font ceux de fleurs, & demōstrent bien plus leurs forces. Ce qui est aux racines fort propre, comme aussi pareillement a toutes choses fermes & solides, ainsi que nous auons dit. Mais il ne fault dire le sēblable de ceux qui s'ont de fleurs, ains plustost tout le contraire, pour autant que chascun d'eux suyt sa secte & retient en soy la nature des choses, desquelles il est composé, comme de son principe. Mais les onguentz préparés & apprestés avec de la myrrhe, a tresbō droit sont rendus plus odorans quant on les frotte, pour l'une & l'autre cause: & pour ce qu'en se faisant ilz sont mellés dauantage : & que ceste chaleur molle, douce & benigne qui se fait, &

Car la mirrhe & les cés se veulent passer le mois du mode par le feu auant que donner a cognoistre son odeur est excitée en eux par friction n'est estrange: & mesmes aussi que la myrrhe demande d'estre bruslée. Pour dire en general, tout ce qui ha grand odeur, cōme ha l'onguent composé de racines, soit qu'il sente bon, soit que mauuais, ou l'aigre, ou poignāt, ou cōment que ce soit, s'il est irrité ou emeu le moins du monde, il se donne bien tost a cognoistre. Car, alors quasi reallement & de fait, il se mesle d'auantage avec l'air.

Le moyē de corriger les odeurs trop fers. D'entre les onguentz aucuns, comme l'egyption, le stacte, & s'il y en ha quelqu'un autre abundant en odeur, messés & detrempés avec de bon vin odoriferant, sont faitz plus doux, souefz & agreables. Car en ce faisant leur odeur graue, & desplaisant, est corrigé & amoindry: ainsi comme bien apoint la myrrhe est lauée & detrempée en vin doux pour faire des perfuns, & suffumigations, ainsi que nous auons dit dessus. Mainteuant si tu considere diligemment apart toy les forces des onguentz, il te semblera fort admirable & quasi du tout contreuenant a raison, ce qu'on

qu'on dit de coustume aduenir au rodinon, par ce qu'il est difficile se mettre en teste, comment il se peult faire, veu que le rodinon est le plus leger & debile de tous: toutesfoys si on en est fro-
 té en quelque partie du corps, & en cel le la mesme on adiouxte des autres on-
 guëtz, voire des plus fortz & precieux, ilz ne sentiront rien au regard du ro-
 dinon. A ceste cause les parfumeurs & drogueurs voyant & cognoissant bien
 qu'on marchâde a eux sans vouloir rien acheter, a la fin quant on veult se reti-
 rer arriere d'eux pour marchâder a d'au-
 tres, ilz oignent avec le rodinon, de
 peur qu'on ne sente les onguentz &
 perfûs des autres marchâs. [Ce qui eust
 esté facile si on n'eust esté oingt dudit
 rodinon.] La cause de cela est, par ce q le
 rodinon estant leger & tresaggreable
 a l'odoremment, sans acrimonie, aspreté,
 & d'odeur plaissant, il penetre grande-
 ment, & passe subtilement par les con-
 duitz du sens: lequel estant desia rempli
 & possédé par la senteur dudit rosat, ne
 luy est possible iuger des autres odeurs.

chose ad-
 mirable
 du rodi-
 non.

La cause,

Troys sortes qui em-
pesché le
iugement
de l'odo-
rement.

Car le iugement qui se fait par l'odo-
rement est empesché en deux manieres
& par aduenture en troys. La premiere
est, dequoy nous auons tenu propos il
n'y a pas long temps. L'autre est, quant
par les choses plus robustes, aspres &
fortes, le sentiment quasi comme eny-
uré, s'epouuete. La troysiesme, quant le
sens est desia occupé & imbu d'une
meilleure & plus odorante senteur, la-
quelle oultre passe toute l'excelléce des
autres. Qui fait que si alors on en veult
induire & metre vne autre par dessus
celle la, qui soit pire, il n'est facile, & ne
pert on que sa peine. Pour autant que
le sens desia imbu & remply de chose a
luy plaisante, en laquelle presque il se
baigne, ne recoit ce qui est pire, & du-
quel peult estre qui ne se delecte aucu-
nement.

Ce qu'on peult veoir assés aux viandes,
& generallement en toute nourriture.
Il ya bien dauantage, la rose de soy
& propre vertu semble diffamer i, &
quasi faire honte a tous les autres o-
deurs, mesme estant composées de plu-
sieurs

Car mise
avec les
autres

fleurs ensemble. Au moyen de quoy les parfumeurs & drogueurs sont contrains en la saison que les roses sont en leurs forces, d'en epandre & verser en leurs compositions : & si par cas fortuit ilz ouurent les petis escrains & layettes ou sont leurs odeurs, on ne sent seulement & sur tout, que les roses, & ne s'aperçoit on point quil y aye d'autres odeurs. Toutefois la rose ne retient longuement sa senteur, mais la perd tout en vn instant pour sa petitesse, debilité, substance tenue & subtilité, a cause de quoy rend odeur a commandement sur toutes autres fleurs. En sorte que quant l'expiration de la rose, mince, subtile & deliée, est ramassée par l'enfermement en ses petites layettes, alors surmôte l'odeur de toutes les choses qui sont leans enfermées. Si est ce qu'en epanchant la force de sa senteur de tous costés en peu de temps s'evanouit, & comme au commencement elle surmontoit les autres, ainsi a son tour est surmontée. Car tout ce qui est delié, mol, & petit, cela aussi tout incó-

obscurcit
toute leur
senteur.

La substance
de la
rose.

Cômest la
rose perd
son odeur

tinent est debile, perd sa force, & demeure comme du tout asoupi. D'aucuns vins font le semblable que la rose, de sorte que si premierement on en gouste que des autres, ilz leurs ostent toute grace & volupté: d'autres degoustée tellement du premier coup, que puis apres on ne veult boyre des autres qu'avec grande facherie, comme est le vin Erytoxon, lequel est mol & salé. J'ay parlé en ce lieu du vin, par ce qu'en toutes choses, il fault tascher rendre la cause de ce qu'on entreprend a demōstrer, par les semblables. Car il y a grand'affinité entre les odeurs & saveurs, soubz lesquelles le vin est compris. Cela est propre au rodinon, cōme quasi tout ce que nous auons dit. La plus grande partie de tous les autres engendrent mal de teste & la rendent pesante, le rodinon au cōtraire la guarit, oste toute pesanteur, & douleur, mesme cause & prouenant par les autres. La cause dequoy est manifeste par ce que nous auons dit deuant dudit rodinon, comme estant le maistre sur tous les autres,

Les anciens auoient
 coustume
 de confire
 leurs vins
 avec eue
 de mer,
 par quoy
 telz vins
 estoient
 salés.

La cause
 pourquoy
 en ce lieu
 il a parlé
 du vin.
 On estime
 q̄ des deux
 ce ne soit
 que vne
 mesme rai-
 son, & que
 les deux
 sens ayēt
 presque
 vn mesme
 subiect.

& que par sa menuiserie, & subtilité se fourre subitement par tout. Car tous les autres qui fōt ennuy a la teste & luy sont molestes, ont tous vne pesanteur, & par ce luy font facherie, qu'ilz sont composés de choses ayāt vn odeur violent, & aspre, comme est quelque partie des racines ou des sucz. Au contraire le rofat a vn odeur leger, doux, benign, sans violence, vne chaleur temperée, qui est bien singuliere & propre a cuire, & pour ouvrir les pertuis. car la douleur de teste se fait, ou par humeurs continus en elle, ou par ventz qui y sont aussi enfermés & ne peuuent echapper, tellemēt qu'il fault ou relacher la peau pour faire sortir le vent, ou cuire & faire meurir cest humeur superflu, ou le tirer dehors. Par ce moyen il est notoire, que tout ce qui cause douleur de teste, ou il le fault purger, ou cuire, ou attirer dehors. A toutes lesquelles choses est bien vtile ceste chaleur benigne qui est au rofat, non seulement pour les oster, mais beaucoup plus pour les cuire & ouvrir les pertuis. A quoy aussi n'est

L'odeur
du rodinō
& sa chaleur.

Les causes
du mal
de teste.

La vertu
du sel.

Le rodi-
non sert a
lasseté, &
pourquoy

1 Et en en-
trât il chaf-
se ce qui
faisoit las-
seté.

L'odeur
du cypri-
non.

inutile le sel qu'on met en faisant la composition dudit rosat. Car le sel relache les pertuis, rarefie, & echauffe, outre ce la souefueté d'odeur & gracieuseté d'icelle, fait quelque emotion & celerité de mouuement. D'auantage le rosat semble estre vtile quant on est lassé, par sa chaleur benigne, téperée & sa subtilité, n'ayant rien qui blesse, ou puisse apporter dommage. Et par ce, mesme qu'il est iusques la penetratif, qu'il entre tout dedans le profond du corps 1. Plusieurs attribuent ceste mesme puissance a l'onguent cyprinó, de sorte qu'ilz ne le pri- sent moins q le rosat. Car son odeur est doux, bening, bien faisant au corps & agreable. Mais toutes ses choses & autres qui s'ont semblables a elles, leurs seront comme propres. Si est ce pour- tant que si le rodinon est meslé ainsi qu'il fault avec les autres senteurs & sa- ueurs, il est de grád' v'sage & profit: veu qu'il tempere & domte l'acrimonie & aspreté des odeurs. Puis au sucz & sa- ueurs (ce qui aduiét aux especes de vin) maintenant il donne vne grace & sen-
teur

teur plaisante, maintenāt vne douceur. De quoy peult porter tesmoignage le vin qu'on presente en l'isle de Thassos dedās le cueur de la ville: lequel, autrement sans grace, est rendu singulier & de grand estime, quand il est embammé & confit, ce qu'il font en ceste maniere. Premièrement ilz versent leur vin en vn vaisseau de terre, puis prennent de la paste biē pestrie avec du miel: en sorte que le vin a bien de soy son odeur domestique, mais il prend sa douceur de ceste paste. La mesme chose aduient aussi, quant on mesle diuerses especes de vin ensemble. Comme si quelqu'un temperoit vn gros vin dur, bien odorant toutesfoys, avec vn petit vin mol, delicat, & sans odeur, ainsi que sont le vin heracleoticon & erytreum. Desquelz deux, le premier dur & odorant, recoit du second, douceur: & en recompense de ce, luy donne vne portion de son odeur. Au moyen de quoy est fait que l'imperfection & faute de l'un & l'autre est amendée & estaincte, par douceur & par bonne senteur. Ceux qui

Thassos
cest vne
ville de-
dans l'is-
le de la
mer Ae-
gée, ou il
croist de
bons vins
Lamanie-
re de con-
fire les
vins.

sont exercés & scauans en l'art de composition, racôtent infinies autres mixtions. Ce que sortir son effet & aduenir tant aux odeurs que couleurs, il est bié raisonnable, moyennant que les melanges soient bien & deüment faictes. Mais cela certes appartient au rodinô

Question. En ce lieu on peult faire vne question cômune a tous, pourquoy les onguentz mis au corps (qui est la premiere partie de la paulme de la main) sôt plus doux & agreables, que s'ilz estoient mis en vne autre partie du corps; de sorte que les vendeurs d'onguëtz oignent & touchent tousiours ceste partie avec l'onguent. Il fault prendre la cause par le contraire, pource que la chaleur l'abattardit & met hors de son naturel: & que de tous onguentz on a assés tost le sentiment par le moyen du cuer.

Et le sens
de toy on
guents est
desia assés
apparent,
par la cômunicatiô
du cuer.

Aultre question. On demande de rechef, pourquoy ceux qui vulgairement ne sont imbus & farcis d'odeurs, s'ilz prennent des perfuns resistent plus que ceux lesquelz sont ordinairement parfumés? Et par aduenture on peult respondre que par ce qu'il

qu'il n'aduient souuent, cela estre vne opinion, plustost que verité. Toutefois si la verité est telle, l'un semble estre principalement par ce qu'en celuy qui a de coustume d'estre perfumé, le nouveau parfum estant meslé & confus avec plusieurs autres odeurs, voire parmy la peau, est obscurcy. L'autre qui n'a de coustume d'estre perfumé, l'odeur demeurant en luy sain & entier, sans se mesler avec d'autres, est receu par la rarité & laxité de son corps, lequel ainsi entré dedās, demeure, & demeurant se donne bien tost a cognoistre au sens. On peult dire aussi le contraire de cela, qui est que le corps, lequel de coustume n'est embaumé & perfumé, recoit moins la senteur, & ce peu qu'il en recoit, sentir d'auantage, d'autant qu'il sont plus tard a se mesler, mais cela est aucunement leger, non encor manifeste.

Et par ain
si on ne le
sent facil-
lemēt, car
il est com
me estaint
par les au
tres.

L'onguent aegyption, le megaleion, l'amaracinon, causent douleur, & ferissent principalement le corps, le chef, & autres semblables parties du corps: a-

Quelz on
guētz fōt
douleur.

uec ce, molestant long temps par leur acrimonie priuée & longue demeurée, a cause de leurs senteurs fortes & poignantes. Au contraire, ceux qui sont debiles, n'ayant abondance d'odeur, rendant vne plus petite expiration, douce, & legere, tout incontinent s'expirent, & se passent, comme le rodinon & cyprinô: [lesquelz oingt sur le corps ne gardent guere leur odeur, car subitement se passent & s'enuiellissent.] Il y en a d'autres qui retienēt entiere-
 mēt leur senteur, iusq̄s au l'endemain, & mesme sentent beaucoup meilleur q̄ le iour precedent, comme ayant chassé de soy tout mauuais sentimēt, si aucun y estoit. D'autres sont du tout de beaucoup plus longue durée, comme le nardinon, l'irinon: mais de tous, ceux durerēt plus, dedans lesquelz il y a plus grandes forces. D'aucuns gardent quasi leur odeur sain & entier, iacōit qu'on en vse aux baings & estuues, ou quant on recrée l'esprit a quelque ieu hōneste, voire dans lequel on sue, & ne se souillēt, ou tournēt en mauuais odeur. D'autres

en y a au contraire, desquelz si le corps en est oingt, & on sue, ilz rendent la sueur de plus mauuaise senteur, qu'elle n'estoit, par vn vice & puâteur qui suruiuent. Doncques cela soit dit de la composition des onguentz & leurs facultés, iusques icy.

La meslange des senteurs seiches, desquelles est fait le diapasme, & la composition ne requiert point vne certaine mixtion, temperature ou quantité de choses odorantes, comme les onguentz. Mais pour faire le diapasme & la confection, d'autant qu'on meslera plusieurs especes d'odeurs, & en plus grande quantité, d'autant l'odeur en sera plus excellent, qui fait que les parfumeurs meslent grand nombre de senteurs cōmunes & faciles a trouuer ensemble, pour l'usage. En quoy ilz ne s'estudiēt de faire apparoir & res sentir separement l'odeur d'une chascune des choses mixtionées : mais veullent que de la mixtion du tout, soit sentu & representé vn odeur cōmun a toutes les choses meslées ensemble. A ceste cau-

De la mixtion des pouldres, qui sont odeurs seiches.

se, apres quelques iours qu'il ont mis ceste mixtion de diuerses senteurs en leurs cassettes, puis fermées, vn peu apres les ouurent, & l'odeur qu'ilz cognoissent sentir par dessus tous, l'ostét sur le champ. Par ce ilz y meslent le moins qu'il est possible, des choses aromatiques, qui sentent fort: comme est le costus & l'amomon. Il y a d'autres choses odorantes qu'ilz ne meslent en sorte que ce soit, comme lerysisceptro, duquel i'ay parlé deuant.

Lemoyen
de faire le
diapasme.

l'usage du
diapasme,
& de la cõ
position.

Quant ilz veullent faire les compositions & diapasme, ilz detrempēt leurs senteurs en bon vin & bien odorant. Car le vin semble grandement profiter a la bonté de l'odeur, veu qu'aussi semblablement les drogueurs & faiseurs d'onguentz en vsent. D'auantage, les compositions ne sont seulement pour vn an, comme les autres: L'usage desquelles est pour faire sentir bon les habitz, celuy des pouldres seches, comme du diapasme, est pour mettre sur le corps & couuertures de litz affin d'oster la sueur. Car alors encommencent sentir

sentir d'auantage, & sont de senteur plus plaisante : avec ce ilz vsent indifferement, ou des compositions, ou du diapisme. Aucuns des susditz parfumeurs iettoient leurs odeurs dedans de bon vin, & les remuoient tresbien en iceluy, affin de corriger leur trop forte senteur, [& oster leur aspreté si aucune en auoiet.] D'autres semblablement les plongeoiét dedans du vin miellé, [affin que l'odeur fut plus temperé & gracieux.] Car le bon vin simple & celuy qui est miellé profitent beaucoup a la gracieuseté & volupté de la senteur : ensemble aussi les cōpositions demeurent vn siecle. Il est par ce que dessus nous auons dit euidét, que les senteurs seiches meslées ensemble sentent meilleur qu'estât a part, [& d'autant qu'il y en a plus de meslées, l'odeur en est plus precieux & plaisant.]

Maintenant il conuient scauoir que nature a doué vn chascun des animaux, de senteur, selon sa propre temperature & nature, Car vn chascun a tel odeur en soy, quel est son temperament. Lequel

Lodeur est tel que le temperament de l'animal.

odeur est, ou plaisât, ou moleste, pour la mutation de l'age & temperament: par ce qu'il est pur en l'animal & plaisant, en fleur d'age, bonne constitutiō & habitude du corps: & encore il est assés agreable en petitesse & bas eage. Mais, au contraire, quant la saison est venue que les animaux masles & femelles se meslēt ensemble: ou que les corps s'emacient & fondent du tout, ou pour vielleſſe, ou maladie, il sort du corps vne tresuenimeuse senteur, puante & infaire. Et par ainsi, les boucs, cerfs, lieures, & autres animaux, principalement sentent mauuais, quant ilz sont en rut, & les masles se conioignent avec les femelles. Mais c'est vne chose encore plus admirable, du tout singuliere, & comme indicible, qui aduient de coustume aux peaux de bouc, pourquoy icelles peaux sentent mauuais & le bouquin, au mesme temps que celles des boucs qui sont en vie, quant ilz se meslent avec les chieures. La cause de ce peult estre, pour ce qu'en la peau de bouc a este delaisſé quelque vertu, ou humeur

Les boucs
& cerfs.

Les peaux
de bouc.

La cause.

humeur semblable , a celuy qui cause telle puanteur , qu'elle fait en ceux qui sont viuants. Laquelle vertu excitée en ladite peau, & l'humeur echauffé par l'air, il est probable aussi que les peaux de leur part sentét. Pour autant, la premiere cause de cela , est en la disposition & température du corps. Car en ce temps mesme, ceux qui n'ont con-ionction avec les femelles, puent, ainsi que font aussi ceux qui sont steriles & ne peuuent engendrer, & cesté puanteur n'est point seulement aux boucs, mais aussi aux chieures, & pour dire en vn mot, le temps de la mixtiõ du bouc, & de la chieure , fait beaucoup lors a cela, & en a vne grande partie , toutesfoys l'habitude du corps, de soy est la cause principale.

La disposition du corps.

Mais a bon droit les onguentz ont force medicale, a cause de la faculté & matiere des odeurs, desquelz ilz sont composés. Car les choses odoriferâtes sont telles, qu'elles ont puissance de medicamēt. Ce que demōstrent assés les cataplasmes & emplastres remollitifz,

Il retourne a parler des onguentz

qu'on appelle, lesquelz manifestent appertement les vertus des onguentz qui sont en eux, quant ilz dissipent & dissoluent les tumeurs, absces, apostumes, & changēt plusieurs autres choses qui suruiennent au corps, non seulement dehors & a la superficie, mais aussi tout au profond. Comme si, pour exemple, quelqu'un apres auoir mis vn cataplasme sur sa poictrine, aux flans, & ventre inferieur, incontinent il routte, & par son haleine on sent des choses de bonne senteur. D'aucuns sont aussi vtiles a l'urine, & par mesme moyen la rendent odoriferante. Il y a bien d'auantage, si quelqu'un met sur sa teste vn cataplasme fait de bonnes senteurs, l'odeur d'iceluy descendra iusques aux vrines. Oultre ce, comme i'ay dit, la flambe eueue & remollit le ventre, ce qu'elle fait, comme aussi plusieurs autres, ainsi qu'il a esté dit souuent: pource que les choses qui sont de leur nature aspres, & vn peu ameres, echauffent, & entrēt tout droit dās les pertuis du corps: car, ayant puissance de trencher, echauffer, estreindre,

Tumeurs,
absces.

Vertu du
cataplasme
mis sur
la teste.

estreindte, ou ensemble eschauffer & estreindre, cuire, du tout alterer, renoueler & changer, ce n'est de merueille s'ilz peuuent aussi esmouuoir.

Ce mutuel consentement accord & sympathie de nature aduiët semblablement aux autres choses, (ainsi comme nous auons deuant dit des peaux de bouc.) Car, le vin quant la grappe commence a fleurir, il semble aussi fleurir. Les aux & oignons, alors que les autres commencent a germer dedans la terre, sentët tressort, & iceux avec leurs gouffes pendües en l'air, germent lors que font les autres, aux iardins. Et generallement toutes les plantes qui ont la racine pelüe, & a testé, pourueu qu'elles ne soient seiches, se changent au temps du germement de leurs semblables. Car, la vertu naturelle & ingenerée qui est däs les vns & autres, alors en tous s'esmeut, & est poutchassée. Mais de toutes ces choses celle est la plus admirable, & surmonte le iugement de tous, qui se fait en la greffe d'ours. Laquelle au mesme temps que l'ours est caché en

Maintenant il retourne a son propos de la sympathie, qui est entre les choses naturelles. Le vin les aux & oignons.

La greffe d'ours, lequel se cache en quelque saison de l'an.

la cauerne, s'eslieue & s'enfle tellement dans le pot, qu'iceluy mesme n'estant que demy, s'en va par dessus.

Demo-
critic.

1. nō point
seullemēt

2. Demo-
critic.

3. comme

Platō de-

dās le Ty

mez dis-

pute du

goust.

3. que doux

& amer

aux sa-

neurs.

Mais, qui incite Democrite d'attribuer les saveurs au goust, quant il en parle, & les odeurs & couleurs, non semblablement vn chascun a son sens propre & subiet? Car il deuoit faire cela par les figures. Ou, peult on obiecter cela communemēt a tous les philosophes? Car, d'entre eux, les vns disputent & font mention des affections & differēces du seul goust 2, les autres principallēment de luy, ainsi cōme parlant des couleurs ilz diēt du blanc, & noir & des saveurs, du doux & amer. Si est ce que cela n'est ainsi aux odeurs 3, car en iceux cela n'est point, auoir bon odeur, ou mauvais. au surplus d'aucunes choses pouuoir estre mēlées facilement, d'autres non: ne pareillemēt dans les choses maniabiles.

Car incontinent beaucoup de choses sont asubiecties & presentées, dures, molles, aspres, polies, mais cela graue & aigu se verroit plustost en la voix.

Des sucz. Les sucz ne sont aptes a mixtiō, ou, par

ce

ce qu'on ne les peult si bien diuifer & partir, que de deux se face vn corps, pour exemple, l'huile & l'eau, le sang & la pituite, & a brief dire, tout ce qui nage, ou se separe, comme le lait & le vinaigre. Car ce qui est meslé en pressurant & broyant, est d'une aultre espee de mixtion. Pareillement aussi les liqueurs qu'on ne peult bonnement temperer, & faire conuenir a nostre vsage, lesquelles mesme se gastent mutuellement, sont d'une autre sorte, comme si on mesloit de l'eau de mer, de l'eau nitreuse, & amere, avec du vin 1, & de l'eau douce, bonne a boire, si d'auenture quelqu'un n'use du vin ainsi abreue d'eau douce, tout incontinent 2. Il y a au cas pareil infinis odeurs qui ne se peuvent ainsi mesler les vns avec les autres, pour nostre vsage, & pour dire en general, quant ceux qui sont forts & puants, sont meslés avec leurs semblables. Mais ceste maniere certes en laquelle vne force n'est mixtionnée de deux ne se peult trouuer: ce q̄ s'il estoit possible, selon ceste faculté & raison,

Diuerfes
espees de
mixtion.

1 l'homme
nuferoit
de tel bru
uage.
2 car leau
croupie
dedans le
vin le ga
ste.

3 Ouy biẽ
selon leur
tempera-
ture, non
pas pour
nostre
vſage.

Comme
le diapaf-
me eſt
meilleur :

La cõfiru-
re du vin
en vendã-
ges.

pour biẽ dire, toutes les choses meſlées
rendroient preſque vne plaiſante ſen-
teur 3. Si eſt ce qu'a l'aduẽture dans des
choses feroient du mal, & les rendroieẽt
pires, en d'autres feroient du bien, &
ſentir meilleur, commẽ aux onguentz:
car aucunes des choses meſlées, corri-
gent ſouuent eſſoys là durtẽ & intem-
perance des onguentz: d'autres debili-
ter plus les odeurs, & les rendent come
oigneux en bien detrem pant leurs for-
ces. Mais dans les ſenteurs ſeiches, com-
me aux pouldres & compositions, on
peult meſler de toutes eſpeces d'odeurs
enſemble.

Car le diaſpaſme, d'autant qu'il eſt com-
poſẽ de pluſieurs odeurs, il en eſt meil-
leur: avec ce a mixtion du vin rend au-
cuns onguentz, perfuns & ſuffumiga-
tiõs plus odorantes, comme eſt la myr-
rhe. Au contraire le vin ſemble eſtre
confit par onguentz. A ceſte cauſe en
vendanges, les vns quant ilz font leur
vin, & le preſſurent, gettent dedans des
choses aromatiques: d'autres ſubitemẽt
que le vin eſt verſẽ dedans le voirre,
meſlent

meslent des senteurs avec le vin, puis le boient quant & quant.

Ainsi il n'est oultre raison que les sens du goust & odorement ayent telle amytié & vnité ensemble, veu qu'il ont tous deux vne mesme matiere, & oserent en vn mesme subiect. Car, pour dire sommairement, il ne se trouue aucune saueur, sans odeur; n'odeur dans lequel pareillemēt n'ayt quelque saueur. Et la cause de ce est, pour ce que nul odeur ne peut yssir & prouenir de la chose, qui est priuée de saueur. En oultre on veoit communement que les senteurs se changent ainsi comme les saueurs, ce qui est facile veoir du vin & aultres fruitz, desquelz aucuns sentent tout autrement, verds que meurs: & de ceux, les vns au contraire, autrement meurs que verds, comme les raisins, lesquels flairent meilleur quant la vigne est en fleur, que quant les grappes sont meures. Mais aux onguētz la mutation est double, en leur force & vigueur, & en leur viellesse, lors qu'ilz declinent. Si est ce pourtant que tous, a bien dire,

L'accord d'entre le goust & l'odoremēt.

Les raisins. Changement aux onguentz Doubles.

font attaintz, & quelque peu esmeuz, aux saisons de lan, vn chascun selon sa puissance: & principalement ceux qui sont debiles, comme les onguentz de fleurs, se changent en plus brief temps: & ce, en la mesme saison qu'une chascune des fleurs de leurs composition est en sa vigueur.

Il a dit
quasi le
sembla-
ble dessus

Ilz font les compositions de perfuns, lesquelz broyez en quantite & battues ensemble, les gettent & enserrent dedans leurs petis coffres, puis les ouuras apres quelque espace de temps, ostent tout ce quil leur semble sentir le plus, & font cela tant de foyz, par interposition de iours, que les odeurs puis apres ne rendent l'odeur particulier, d'une des choses aromaticques, qui entre en la composition.

mais seulement vn
odeur commun
prouenant de
tous come
il a desia
dit deuant.

Parquoy les robbes & aultres choses qui sont imbues & arrousees de telles compositions, prennent & retiennent vne merueilleuse senteur.

L'onguent de glans egyptia, ne produit de foy trop grad odeur: toutesfois mele avec daultres, les rend plus singuliers &

& meilleurs, principalement meslé avec l'irinon.

On veoit en la mer rouge, dedans les pierres qui y sont, apres qu'elles sont fendues, de petits poisons, tellement collés & attachés a icelles, qu'on ne les peult en sorte que ce soit, arracher.

Ceste fin est assez obscure, qui fait nostre facile en tirer quelque certain sens.

Oultre vne espeece d'ecreuiffe de mer, & d'autres petites bestes, lesquelles, comme le bruit est a Athene, on iette dedans vn vaisseau d'arain, qui est creux, semblablemēt en vn de fer, blanc & replendissant : & qu'il y a grand' affinité entre ce fer & cest arain, & l'estain : & qu'on y iette les susditz petits poisons & bestes, non pour l'espace & largeur du vaisseau, mais pour l'amertume.

F I N.

E iiii

Les chèvres sont très voraces, et mangent de tout, mais elles ne mangent pas de foin, et ne mangent pas de paille.

Elles sont très sensibles au froid, et elles ne supportent pas le vent du nord. Elles sont très sensibles à la chaleur, et elles ne supportent pas le soleil. Elles sont très sensibles à la pluie, et elles ne supportent pas l'humidité. Elles sont très sensibles à la sécheresse, et elles ne supportent pas la chaleur du soleil. Elles sont très sensibles à la neige, et elles ne supportent pas le froid.

7 1 11.

2 11



ANNOTATIONS SVR AV-

cuns lieux du liure de

Theophraste des

Senteurs.

Par I. de l'Estrade.

AV LECTEUR.



Pres r'auoir rendu Theophraste des odeurs en nostre langue (amy Lecteur) i'ay esté long téps en doute scauoir si ie te presenterois quelqs lieux assés difficiles qu'auons aperceu en lisant ledit auteur, ou non: tant par ce qu'il est facile a vn chacun voire bien peu versé aux lettres en obseruer d'auátage que nous:ioint aussi que monsieur Turnebus a sur ce mesme œuure qu'il a fait en Latin, declare infinis passages non encore cognus.

Après lequel (tant est sa doctrine) vou-
loit ou aufer entreprendre quelque cho-
se, c'est tirer des lignes au corps de Ve-
nus, après Apelles aiant painct le chef.
Mais pour ce que i'ay pësé n'estre tous-
iours loisible a tous, ou de conferer les
lieux ensemble, ou d'auoir liures avec
eux pour ce faire: i'ay estimé qu'on ne
mespriseroit totalement ce mien pe-
tit labeur, en conferant d'aucuns lieux
les vns avec les autres pour plus facile
intelligence: & tachant dire quelque
chose des plantes d'esquelles est que-
stion en tout ce petit traité. Si est ce
que d'icelles nous n'auons entrepris
traiter au long, mais seulement ce qui
semble necessaire. De quoy qui voudra
auoir entiere cognoissance, fault lire
Dioscoride, Galien, Rueil, Fusch, Ma-
thiol, & autres grands personaiges qui
ont bien diligemment trauaillé en ce-
ste partie.

Ce pendant ie te prie de prendre le do-
cument tout en gré.

Tout a point.

☞ Respondent en tout.

Folio .6 Page 2.



Les odeurs sont beaucoup moins distinguées par leurs especes, que les saveurs: pour ce que nous avons le goust tres bon, qui est le moyen par le-

quel on iuge des saveurs: au contraire. L'odoremēt est en nous fort debile, par lequel on iuge des odeurs. Ce qu'on peut veoir aux aultres animaux, oultre l'homme cōme sont les chiens, leōs, chatz, & aultres bestes brutes, lesquelles surmontent de beaucoup l'homme par odoremēt.

☞ Quant au genre. Fol. Ibidem.

On dir bien en general, voila vne chose qui sent bon, en voila vne autre qui sent mauuais: mais d'exprimer & pouoir donner a entendre combien il y a de sortes des choses qui sentēt bon ou mauuais, iacoit qu'il y en a plusieurs, il n'est facile.

☞ Aigreté de vin. Fol. 7. pag. 1.

Il semble parler de Platon, lequel en

son Tymée dit, que l'aigreté du vin est en luy quelque pourriture, cōme estant au vin vn estrangemēt & separation de sa chaleur naturelle, par ce que les choses qui s'aigrissent, auant que d'estre aigres, sont premierement attenués & altérés par pourriture: laquelle n'est autre chose que perte de chaleur naturelle & acquisition d'aliene.

28 Les odeurs des animaux.

Folio 7. Page 2.

Il semble vouloir ainsi dire, la senteur d'aucuns animaux est tāt precieuse que l'homme bien souuēt ne scait combien grande en est la valeur, & n'est facile de iuger du pris de cel' odeur, duquel toutesfoys l'homme ignorant la force, n'en tient compte. Il est vray que l'homme ne peult bien & au vray iuger de l'excellence de l'odeur qui est en aucuns animaux, par ce qu'il a l'odoremēt fort debile, si est ce qui ne l'est tant, que biē tost ne s'apercoyue si vne chose sent bon ou mauuais, moyennant que le sens ne soit empesché, cōme il est en ceux qui ont des catharres ou quelque corruption

37
corruption aux parties interieures du
corps.

28 Nul animal sinon l'homme.

Folio 7. Page 2.

Par ce que les bestes ont toute leur affection au ventre, & seulement s'estudient & plaisent a le remplir, a ceste cause ilz ayment les odeurs & choses qui sentent bon, non pour l'amour de l'odeur, mais a cause des viandes dans lesquelles est contenu l'odeur. Car autrement on y a beau presenter du musc, ou autre chose de bon odeur, s'il n'y a esperance de manger, la beste brute n'en tiendra compte.

28 Offense.

Aristote dit que les vaultours meurent subitement si on les oingt d'onguentz, & que l'odeur des roses tue les Scarabées. Galien attribue vne telle vertu a la salive de l'homme qui n'a detenué, quant il dit qu'elle a puissance d'occire les viperes.

28 Repugnance de nature.

Folio 8. Page 1.

Il semble noter Democrite, lequel auoit de coustume referer la cause des choses a vne repugnance de nature. Ce qu'on fait encore, par ce que les vrayes differences & causes des choses nous sont incongneues, on appelle cela ordinairement vne vertu occulte.

28 Prises de soy. Fol. 8. Pag. 1.
Les odeurs qui prouient des alimetz & saueurs, sont ditz estre par accidens, pour ce qu'on ne les appetite pour l'odeur seulement: ains plustost pour le fruit ou saueur, en laquelle ledit odeur est contenu. Au contraire en ceux qui sont de soy on ny cherche autre chose que les sentir & s'en delecter.

28 Aspre & vn peu amere. Fo. 8. pa. 2.
De sorte que les cuisiniers n'usent des odeurs qui sont ameres, a faire leurs sauces: car nul n'useroit de viande ainsi assaisonnée: veu qu'il n'ia aucun animal qui soit nourry de choses ameres.

28 Le figuier d'egypte. fo. Ibidem.
On dit que ce figuier d'egypte est tant fertile, qu'en vn an il a porté du fruit sept foys, & du lieu mesme qu'on a cuilly

ly vne figue, incontinent sans nulle demeure il s'en elieue vne autre.

28 La cuisson suy. fo 8. pa. 2.

Pour dire en general tout odeur est parfait par cuisson: & pour ce que la chaleur naturelle, c'est vn des principaux instrumentz de toutes les actions d'une chascune creatur, est fait, que si elle attenuë bien, & cuit l'humeur, la chose sentira bon, si au cōtraire, mauuais. Car c'est celle qui cuit, meurit, separe, retient, poulse hors, attire & gouuerne tout.

28 Et se changent. fo Ibidem.

Les senteurs sont changées selon la maniere de la cuisson, par ce que celle qui ne sont de choses meures sentent tout autrement, que celles qui sont meures. Car cōme les saueurs bien aseasonnées (ce qui respond a la meureté des choses ou sont contenues les odeurs) sont de plaisant goust, cel'es qui sont mal aseasonnées sont de desplaisant: ainsi les odeurs bien cuittes & selon qu'il fault, sentent bon: celles qui ne le sont, mauuais, laquelle diuersité prouient de la

diuerſe cuiſſon, qui fait qu'elles ſoient
aſſés meures ou non.

28 Qui ne ſont meſſées.

Folio 9. Page. 1.

Il a dit deuant des le commencement,
qu'il n'eſtoit poſſible qu'un corps ſim-
ple euſt odeur: ~~pour ce ſéteur eſtre ſeu-~~
~~lement es choſes qui ſont meſſées.~~

Maintenant il ſemble eſtimer qu'il y en
a ſans mixtion: ou fault prendre ſans
meſlange, ainſi comme quant vne eſ-
pece d'odeur n'eſt meſſée avec vne au-
tre, comme du muſc avec de la myrrhe
ou encens.

28 Le diapafme. Fo. 9. Pag. 2.

Diapafme ſont pouldres ſeiches ou ſen-
teurs qu'on ſerre avec les habits pour
les faire ſentir bon.

Dequoy Pline parle ainſi: diapafme c'e-
ſtoit petite pouldre odorante, qu'on e-
panchoit par les litz de la chambre, &
on les appelle vulgairement les eſpe-
ces d'odeur, telles pouldres eſtoient cō-
poſées par du ſec meſlé avec du ſec, au
iourdhuy on fait des menues eſpiſſe-
ries.

Auec

28 Avec le vin. Fo.10.pa.1.

Anciennement en d'aucuns lieux au temps de vendanges, on auoit de coustume en faisant le vin d'y mesler des fleurs & senteurs: en sorte que depuis il semble qu'on a retenu ce langage, la fleur du vin, de ceste coustume la.

28 En machant. Fo.10.pag.1.

Les viandes solides, comme le pain, chair, & autres, par ce qu'elles demeurent longue espace de temps en la bouche, tout le suc en est plus facilement exprimé & epuisé, le ql en petite quantité se meslent avec le goust, luy donne bien aisément a cognoistre de quelle saueur il est: Au contraire le vin & toute chose liquide, coulant, sans aucunement demeurer en la bouche, & touchant legerement le goust, il n'en recoit seulement que la premiere saueur. D'auantage la trop grande abondance d'humidité, qui est aux choses liquides, reprime & debilité de telle sorte les forces du goust, qu'elle le rend tout moucé, & quasi comme rebouché.

28 L'iris. Fo.10.pa.2.

Je te veux bien aduertir, amy Lecteur, que n'auons pposé pourſuiure l'hiſtoire, cōme d'une chāſcune des plāte. mentionnées en ce liure tout au long: mais ſeulement en dirons ſelon noſtre petit iugement, autant qu'il nous ſemble. ra eſtie neceſſaire, pour l'intelligence des ſuſdittes plantes. Le reſte qui aura deſir de ſcauoir entierement, pourra lire, Dioſcoride, Galien, Plin, Theophrāſte, Rueil, Fulch, Mathiol, & autres qui en ont traicté tout au long.

Par quoy de celles que nous pourrons, ſera ainſi rudement parlé, en commençant a l'Iris.

Iris, c'eſt ce que les François appellent flambe, ayant couleur de ciel, a la ſimilitude de laquelle les gendarmes le tēps paſſé auoient principallemēt leurs enſeignes de telle couleur: qui fait qu'aucuns eſtiment que l'oriſlant de Charlemaigne a de la prins ſon nom.

28 Le nard. fo. 10. pa. 2.

Il y ha beaucoup d'eſpèces de nard, pour quoy, quāt on trouue dans les auteurs, le nard, ſimplement ſans autre additiō, il

il conuient entendre le nard Syriacque,
ou Indique. Marcellus dit, que le nard
celtique est nostre lauande ainsi appel-
lée, pour ce qu'on en vse aux baings, &
autres lauements, aucuns l'appellent de
l'aspic.

*Nard celtique
nostre Lauande
ou aspic*

¶ L'encens & tous. Fol. ii. Pa. i.

L'encens rend bien quelque odeur a-
uant qu'estre bruslé: mais il est si petit
que rié, & semble plustost ne rié sentir,
parquoy ainsi sentâr quand on le brus-
le, on estime que le vulgaire laye peu
appeller de la, encens.

¶ A la sommité. fo. ii. pa. i.

Si l'odeur des roses & autres fleurs, qui
ha esté cōduit par la chaleur naturelle
d'une chascune & celle du soleil, ius-
ques au bout desdittes fleurs, r'entroit
dedans leurs parties internes, qui sont
fort humides & abondantes en suc, l'o-
deur se mesleroit avec luy, & par luy se-
roit en telle sorte vaincu & supprimé,
qu'il ne luy seroit possible echapper, &
resortir, par ainsi il ne sentiroit rien:
mais estant tout au dehors, & en la su-
perficie desdittes fleurs, il sent de loin,

comme estant porté par lair, lequel incessamment nous attirons iusques a l'odorement.

☞ Pour les odeurs. Fo. ii. pa. 2.

Il touche en peu de motz la maniere des drogueurs & parfumeurs, lesquelz affin q̃ leurs senteurs soient de meilleure garde, les enseuelissent & incorporent dedans de l'huile, qui puisse durer vn eage.

☞ Comme celle d'amandes.

Folio .ii Page 2.

On trouue encore maintenāt aux boutiques de l'huile d'amandes douces & ameres, aussi bien que le temps passé, qui a grand vsage en medecine.

Les vertus desquelles sont bien au long en Dioscoride & Rueil.

☞ Sefaminon. La mesme.

Mósieur Rueil au chapitre de sefaminó dit qu'on appelle au iourd'huy ledit sefaminó, en Italie Iugiolian, & qu'aucuns le nombrent entre les especes de froment, d'autres entre les pois febues, & choses semblables, que les latins appellent en vn mot legumina. Encore

au

aujourd'huy on apporte d'egypte du
vray sesaminon en grande abondance,
auec de l'huile pressoirée & tirée de la
semence dudit sesaminon.

28 Celle d'olif. Fo. 11. pa. 2.

Galien & autres auteurs admonestent,
que quât il est parlé de l'huile dans les
auteurs simplement sans aucune ad-
dition, qu'il conuient entendre l'huile
d'olif, qui est exprimée & esprinse d'o-
liues meures, quant il dient oleum om-
phacinon, ilz entendent celuy qui d'o-
liues vertes. La differēce des deux huil-
les d'olif se cognoist aisément par la co-
leur. Car celle d'olives vertes a aussi la
couleur plus verte, que celle d'olives
meures.

28 Priuée de toute senteur.

Folio 12. Page 1.

La raison semble estre telle. Tout ce
qu'on veult qui recoiue quelque nou-
uelle senteur, fault qu'il n'en aye aucu-
ne en soy, pour ce qu'il est comme la
vraye matiere de l'odeur qui se doit re-
cevoir & retenir: autrement s'il auoit
quelque senteur, la siene empescheroit

celle de la chose qui reçoit. En sorte qu'on incorpore les onguentz, ou dedans de l'huile, ou de la cire, pour autant que l'une & l'autre semble estre du tout sans odeur, ou bien telle & si imbecille, qui ne puisse empescher & obscurcir celle des choses aromaticques, qui reçoivent.

Galien aux liures des puissances des simples medicamentz.

℞ Balaninon. Folio 12. pag. 1.

L'huile Balaninon est pressoirée de glans vnguentaria, que les Grecs appellent *βάλανος μυρική* les Arabes granum Ben, & oleum de Ben: c'est le fruit d'un arbre semblable a la bruyere, qui ha le fruit gros comme vne aneline.

℞ Ce que fait semblablement.

Folio 12. pag. 1.

Qui voudra ietter les coquilles ou pelures des amandes dedans leur huile quāt on la cuit, lesquelles cōbien qu'elles n'auoient aucun odeur auant que d'y estre mises, toutesfoys on cognoistra en elles vne bonne senteur.

℞ Les Teinturiers. fo. 12. pa. 2.

Comme

Comme les peintres vsent a force d'alun pour estreindre : ainsi les Teinturiers estreignent fort leur laines premierement que d'y mettre la couleur, affin qu'elle s'emboyue & reçoive la-ditte couleur, & l'ayant receue, la puisse mieux retenir: car si les trous de la laine n'estoient reserrés, la couleur passeroit incontinent sans s'emboyre, par ainsi elle seroit vaine, & ne dureroit long temps: ce qui semble estre vray en ses petits draps qui se deteignent incontinent: pareillement si les parfumeurs & faiseurs d'onguentz ne reserroient fort leur huile, l'odeur qui est de substance subtile & rare, ne demeureroit guiere en ladite huile.

¶ Si en vne chopine. fo. 12. pa. 2.
Nous auons dit chopiné, pour ce que les Grecs nomment *κατάλαρον*, les Latins cōme Gaza, & autres torment ordinairement heminam, affin de specifier mieux la chose en françoys: car ce nom chopine, est en tous lieux intelligible & receu, le n'ignore toutelsoys que cōtyle & nostre chopine, ce n'est tout

vne mesme mesure : car hemina (qu'appellent les Latins) contient ce que peuuent quatre gobeletz, ou dix dragmes, ou selon aucuns vn demy septier ancien. Tymō, en son liure des Sinonimes dit que cotyle contient neuf onces.

¶ Ne résiste plus. Fo. 13. pa. 1.

Ce qui faisoit en l'huile resistance estant osté par le sec, (lequel epuisant l'humidité & viscosité de l'huile la rend plus claire & rare) fait que l'huile soit plus facile a penetrer & receuoir. Ce qu'on veoit aux autres choses, par ce que d'autant qu'il y a moins de resistance, & ce que doit entrer est plus subtil: d'autant il entre plus promptement.

¶ La durée d'un chacun.

Folio 13. Page 2.

Il veult dire se sēble, qu'il y a vne mesme proportiō & analogie entre la longue ou breue durée d'une chascune huile, qu'il y a entre sa force de resister, ou son imbecillité quāt on la cuit: par ce q c'elle dure dauātage qui reçoit pl^r, c'ell est de moĩdre durée, qui reçoit moins: aussi celle qui resiste fort a la cuisson, dure

dure d'auantage, celle qui n'y peult resister, a cause de son imbecillité, dure moins.

℞ Pour mesme cause. Fo. 13. pa. 2.

Ce qui peult receuoir beaucoup a plus en soy qui puisse estre consommé, qui fait que l'agent quel qui soit demeure plus de temps a le ruiner, pour autant il dure plus : au contraire ce qui ne peult guiere, est bien tost gasté, qui fait que d'autant que l'huile est plus receptible, d'autant elle dure plus, & par ce meilleure a receuoir les vnguez.

℞ Le rodinon. Fo. 14. pa. 2.

Les apotiquaires ne cōposent au iourd'huuy l'huile rosat comme les anciés. Car ilz prennent seulement des feulles de roses, lesquelles iettent dedans de l'huile, puis l'exposent au soleil, afin que par la chaleur se face cuisson & par ce meslange de la substance des roses avec l'huile, puis coullent le tout ensemble & l'expriment, apres le gardent pour l'usage.

℞ Deux vaisseaux. Fo. 14. pa. 2.

On fait les perfuns en diuerses manie-

res : aucuns pour bien parfumer prennent vn vaisseau dás lequel sont les choses aromatiques pour faire leurs parfums, lequel vaisseau mettent sur le feu de charbons ardants, qui consomme & emporte la meilleure partie de l'odeur, lequel pour cela sent le plus souuent fort, & comme le brulé. Le conseil de Theophraste semble estre plus expediét tant pour ceux qui veulent auoir quantité de parfums, que pour ceux qui en veulent faire de singuliers & de pris. Lequel est tel, fault prendre deux vaisseaux, l'un plein d'eau chaude, l'autre dans lequel sont bien encloses, les senteurs pour faire des parfums, ce fait: fault mettre ledit vaisseau sur celuy dás lequel est l'eau, & cestuy cy sur vn petit feu doux & gracieux. Par ce moyen l'odeur qui en sortira sera plus singulier & entier: par ce que la chaleur qui sort de l'eau chaude, est beaucoup plus benigne & réperée, que celle qui provient du feu mesme qui fait qu'elle rende l'odeur plus plaisant, au cōtraire celle du feu le rend plus fort, & quasi tout
sent

sent le brulé.

28 Quadrantal. fo. 15. pa. 1.

Quadrantal, c'est vne espece de mesure de quoy vsoient les anciens, & s'en seruoient, ou en choses liquides, ou en seiches. En liquides, il contient la huitiesme partie d'un muid de vin, en laquelle signification le prend icy Theophraste: en seiches, il cōtient trois boisseaux. Il faut noter que les poix en marchandise sont tous autres qu'en medecine & de plus grande pesanteur, toutesfoys nous auons osé vser des poix qu'on vse en marchandise pour ce que sont termes communs de mesure.

28 Cyprinon. fo. 16. pa. 1.

Cyprus sans faillir, c'est ce que les Latins appellent ligustrum les François du Troesne, duquel est fait l'onguent Cyprinō. Le tēps passé, on le faisoit des fleurs dudit troesne, qui n'ōt trop mauuais odeur, au iourd'huy on ne le prepare point. Il y entroit du Cynamomō qui ha telle affinite avec la canelle, que souuent l'un degenerate en l'autre, nous n'auons point du vray cynamomon, se-

lon d'aucuns, d'autres, comme quelques apotiquaires dient en auoir, il y entroit aussi de l'aspalathon, duquel les drogueurs vsoiēt pour epefsir leurs onguētz. L'aspalaton s'appelle en Pro- uence Argillier, c'est selon Pline, vne espine sauuage, blanche, croissant presque la hauteur d'un arbre. Selon Dioscoride, c'est vn arbrisseau d'ur comme boys, tout enuironné d'espines, aucuns tiennent que nous n'en auons du tout. On vse des feuilles, fruitz, & grains du troesne en medecine, lesquelz meslés avec sel & du vinaigre, en forme de cataplasme, profitent aux gouttes.

¶ Melinon. Fol. 16. pag. 1.

L'onguent se compose encore au iourd'huy de pommes de coing. Lesquelles les apotiquaires couppent & broyent, puis les mettent dans de l'huile deuant le soleil seullement, & l'appellent oleū cytoniorum. Il n'y entre point de choses aromaticques, cōme le temps passe.

¶ Se noirissent. Fo. 16. pa. 1.

Quant on fait l'huile cytoniorū, qu'on nomme, on y iette plusieurs foys diuer

ses

ses pommes de coing, ce qu'on fait de peur qu'elles ne se ternissent, & prennent couleur de plomb. Car en ce faisant elles corróperoient laditte huile.

¶ L'encoion. Fol.16.pag.2.

Les Grecz, par l'encoion entendent la viollette bláche, ce que signifie le mot, les Arabes le nommēt Cheiry, de quoy on appelle aujourd'huy oleü de cheiry. Il y ha plusieurs sortes de violettes blanches, iaulnes, rouges, perses, & de couleur de ciel. Touthoys le principal vsage est de celle qui ha la fleur iauune, croissant ordinairement sur les murailles.

¶ Soufinon. Fo.16.pag.2.

On fait encor l'onguent Soufinon avec des lis blancs trempés en l'huile: ce que les apoticquaires nomment oleum liliorum. Il est dit Soufinon en langue persique de *شهر* ville capitale de Perse, en la quelle y ha grande abondance de lis.

¶ Sisimbrion. Le mesme.

Sisimbrion, ou il est prins absolument, ou avec admixtiō: si en la premiere sor-

te, c'est la menthe, qui se trouue dans les eaues, si avec addition, c'est ce qu'on appelle du cresson, l'un & l'autre ha de grandes vertus. Il coupe, tenue, ouure & dechasse: entre autres le cresson, oste & ouure les obstructions de toutes les entralles, & de ce qu'on appelle visceres, qui fait qu'on le mange en salades, deuant que d'autres viandes, d'auantage si on en met sur la face, dedans vne nuit, il osterá tout le faux visage & taches des fêmes, il est familier aux reins, aucus appellét le premier serpollet sauage, qui est assés semblable a la menthe, qui croist aux iardins, d'autres appellent le dernier, berle.

☞ Serpillinon. fo.16.pag.1.

Serpillinon est fait de serpollet, duquel il y en ha de deux sortes, de celuy des iardins & des champs, aucuns estiment que ce n'est pas nostre poliot.

☞ Crocinon. fo.16.pag.2.

Le crocinon se prepare encore aux boutiques, mais tout autrement que le téps passé: les apoticquaires appellent ceste confection, oleum croci.

¶ Myrteon. fo.16.pag.2.

Myrtus c'est vn petit arbrisseau, qu'on appelle murte, duquel on fait de l'onguent, ou des feuilles, ou du fruit: ce'uy qui est fait des feuilles on l'appelloit myrrhinon, celui qu'on fait du fruit myrrhinon, & est dit aux boutiques oleum myrtillorum, qui ha force de restraindre & refroidir, par ainsi il reprime la sueur & affectiōs chaudes, cōme aux brusleures, ou escorcheures faites entre les iambes, ou piedz: par eschauffement. Ce myrtinon est au iourd'huy celui qu'on nommoit myrrhinon, il renforceit le cerueau, le cueur, & le ventricule, & est bō pour adoucir les nerfs. Du temps de Dioscoride, on le composoit tout au cōtraire qu'on ne fait maintenant, parquoy il semble n'auoir les forces que luy attribuēt les anciens.

¶ Lœnanthinon. fo.16.pag.2.

Lœnanthinon se faisoit le temps passé de fleurs de labrusca, qu'on appelle vigne sauuage, ou en friche, de laquelle les raisins ne meurissent point, ou bien a peine. Plinē appelle sa fleur œnanthe,

ainsi ditte de *oives* vin , & *Lybos* fleur
par ce quelle a la senteur de fleur de vi-
gne, aucuns l'appellent filipède, ou cas-
se pierre rouge . Il n'a point d'usage
maintenant.

¶ Des racines. fo.16.pa.2.

On peult veoir assés apertement en ce
lieu que ce liure est tout mutilé , par ce
que il n'est a croire que Theophraste
grand philosophe & Methodic se soit
oublyé a neuf ou dix lignes de sa gene-
rale diuision, d'un des mébres d'icelle,
qui est de la composition des onguétz
faitz de greffes, ou reiettons d'arbres.

¶ Amaracinon. Fo.16.pa.2.

Aucuns tiennent que l'amaracinon , &
le sambsucinon soient bien diuers, la-
coit que l'un & l'autre recoiue amara-
con, qu'on appelle en françoys mario-
laine. Les anciens pour le separer nom-
moient l'un amaracinon, l'autre samp-
sufinō. Il entre en l'un & l'autre de cho-
ses aromaticques diuerses: du temps de
Dioscoride, on y mettoit du serpolet,
de la casse, de l'aurone, des fleurs de si-
symbrion, des feuilles de murte, & de la
mariolaine

mariolaine autant que de tous, puis le tout pillé ensemble, on le mettoit dans de l'huile d'olives vertes. Ce qu'on fait encore au iourd'huy en l'huile samsuchinum, excepté qu'on ne met point de serpollet, & qu'on prend les feuilles de sisimbrion, non pas les fleurs. On ne prepare plus tous ses onguëtz pour faire sentir bon en toute l'europe, dequoy les anciens estoient fort sougneux, comme est facile de veoir par les histoires Romaines de Crassus, Anthonius, Lucullus, & autres.

¶ Costus. Fo.16.pag.2.

Costus se prend pour vn arbrisseau, ou vne herbe, nous n'auons l'arbrisseau, duquel la racine est seulement apportée des nations estranges. Le costus herbe est de deux sortes petite & grande, la petite est nommée herbe de nostre dame. La grande, monsieur Rueil dit, que ce peult estre, ce que les anciens ont appelé silliquastrum, ou piperitis, en françois poiurete, ou du coq. Le nõ de l'arbrisseau est encore auiourd'huy en toutes les boutique costus. Aucuns estiment

que nous n'auons la chose, & que d'entre toutes les choses aromatiques, le costus presque seul estât mis sur le cuir, ha puissance le faire rougir: pource qu'il ha son acrimonie en la terre plus que tous autres: nostre coq vulgaire est plus tost du coq bastard. Dioscoride en fait troys especes, Arabic, Indic, Syriac, tous seullemēt diuers du lieu de leur natiuité. Pline en fait de blâc & noir. On fait auourd'huy de l'huile costinū, qui ha grande vertu de roborer le ventre, les nerfs, & a presque toutes les vertus que luy baille Dioscoride.

¶ Eretricon. fo. 16. pa. 2.

Eretricon est ainsi nômé d'une ville qui s'appelle Eretria, en laquelle y ha grande quantité de Cyperus, qu'on nomme vulgairement du fouchet, duquel aucuns vsent, pour garder que les teignes ne gastent les habitz.

¶ Palmeon. fo. 17. pa. 1.

Palma, c'est vn arbre portant de petitz fruïtz, qu'on appelle des dactes. Dequoy est fait le diaphenicon médicament fort purgatif. Le petit calice, ou goblet
belet

belet d'as lequel est enucloppé, le fruit de la palme est appelé *spatha* ou *claten*, dequoy les drogueurs se seruent pour epefsir leurs onguetz. De celises les annotations de mōsieur Turnebus. Oultre fault entendre, que Pline croit que *ωλάτρω* c'est du Sapin. Galien dit que c'est le premier germe de la palme. Dioscoride est d'oppinion que c'est ce qui enuveloppe le fruit de la palme. On bailloit le temps passé le rameau de la palme aux victorieux: pource que la Palme ne flechist pour la pesanteur, mais s'elieue tousiours.

¶ L'aurinon. Fo. 17. pag. 1.

On ne le fait maintenant avec du fruit de laurier, cōme dit Theophraste, mais avec de l'huile d'olif & des feuilles de laurier cuittes dedans laditte huile.

Aucuns pour le faire de plus belle couleur y meslent du verd de gris, mais assez temerairement, parce que le temperament de l'huile est en telle sorte gasté: parquoy le vaudroit mieux composer simplement, par ce moyen auroit assez belle couleur, & feroit mieux ses ef-

fetz. Les Italiens en font en abondance. Aucuns y mettent des bacques de laurier, meures, & br oyés, puis cuittes avec de l'eau.

☞ Megaleion. Fol.17.pag.1.

Megaleion n'estoit desia plus en vſage, des le temps de Dioscoride, parquoy ce ne doibt estre de merueille si en ce tēps il n'est plus preparé: on l'appelloit megaleion par excellence, tant a cause des singuliers simples & drogues qui entroient en sa cōposition, que des grandes vertus & proprietés qu'il auoit.

☞ Le Staete. Fo.17.pag.1.

Staete c'est la fleur plus grasse qui degoute de la myrrhe distillée de frais, ainsi nommée a *σαῖον*, qui est, couler goutte a goutte: on en fait encore en grā. de quantité en Arabie. Plusieurs sont d'opinion (mesme gens doctes) que nous n'auons point de vraye myrrhe. Toutefois on en peult apporter de la bonne d'egypte.

☞ La resine. Fo.17.pag.2.

On mesle la resine & la cire principalement avec les ongentz, partie pour
leur

leur donner couleur, partie pour leurs
consistence & fondement.

¶ Lamaracinon. Fo. 17. pa. 2.

Veü que la cōposition de l'amaracinō,
il n'y entre point de mariolaine, on se
peut emerveiller pourquoy Theophra-
ste l'appelle ainsi: en quoy il n'est d'ac-
cord avec Pline & Dioscoride. Tous
ceux qui ont escript l'histoire des plan-
tes ne sont d'accord d'amatacō, les vns
tienēt q̄ c'est nostre mariolaine, les au-
tres q̄ c'est parthenion ce qu'on nōme
epargoutte ou matriquaire, ce que selō
Galien & Dioscoride n'est point, veü
qu'ilz appellent amaracon samplucon.
Toute ceste plante est bien propre aux
maladies des femmes, cuitte avec de bō
vin blāc & du sucre: & est bonne pour
les gouttes, en sorte que les François
semblent luy auoir dōné ce nom epar-
goutte, quasi faisant perdre la goutte.

¶ Entre leurs ongentz. Fol. 18. pag 1.

Il fault icy entendre qu'en l'onguent il
y a principalement deux choses: le suc
& le corps. Le corps c'est l'huile, le suc
sont les odeurs, desquelz ilz en font

deux especes, l'une nommēt ὄσμη, l'autre ὀδύνη.

28 D'anchuse. Fo. 18. pag. 1.

Il y a quatre especes d'anchuses qu'on appelle orchanette, elles ont presque toutes la feuille semblable a la buglose fauluage. La racine d'anchuse rend vn suc rouge, lequel sort en tēps de moissons, il s'en trouue de telle en d'aucuns lieux de ce païs entre le sable. On apporte la racine d'anchuse des regions estranges, dequoy les cuisiniers vsent pour rougir leurs viandes comme gelée, poires de ferseau & escheruis, les tainturiers pour taindre en pourpre, & les femmes s'en frottent les iouees du suc affin de les auoir vermeilles, principalement celles qui sont toutes ridées & flaitries.

29 D'ocre. Fo. 18. pag. 1.

Ocre c'est vne especie de terre de couleur iaulne, de laquelle en y a troys sortes, rouge, blasarde & iaulne: elle est assez vulgaire.

30 Petite racine. Fo. 18. pag. 1.

Plin & Columelle tournēt πῖστον, struthion,

chion, pource que ses feuilles sont deux
a deux a la maniere des ailles d'oyseaux,
les Latins ordinairement l'appellent ra-
diculam & lanariam: pource que les an-
ciens se seruoient de sa racine pour tein-
dre & nettoyer les laines. Les herbiers
la nommēt saponaria, communement
en François l'herbe de la vierge Marie,
parce qu'el' a les feuilles blanches, ceste
racine est chaulde & seiche. En la fin du
3. degré: elle est bonne pour les reins:
l'obscurité des yeux & affections de la
ratte, du foye & du thorax. Elle est dit-
te saponaria: pource que les anciens en
ont vsé en lieu de sauon pour nettoyer
leurs laines & autres choses sales, en
sorte qu'on l'appelle herbe a foulon.

¶ D'eguillon. Fo. 18. pag. 2.

Les drogueurs & ceux qui ordonnent
medecines aucunesfoys messēt vne cou-
leur ayant en soy quelque pointure ou
aigreté, non pas seulement pour dele-
cter le goust, & affin que l'odeur luy en
soit plus plaisant, mais pour l'exciter &
eguillonner. Ou conuient entēdre que
les medecins ordinairement messēt avec

les medicamentz de tardive action, vn autre quelque peu plus poignant, comme eguillon, pour le haster: ainsi comme (pour exemple) on mesle avec de la casse, qui est lente & tardive a operer du diaphenicon qui est poignant.

28 Cardamomon. Fo. 18. pag: 2.

Cardamomon ce prend pour la plante, ou pour le fruit de la plâre. Aucuns tiennent que nous n'auons point la plante: trop bien le fruit, duq̃l en font de quatre sortes, de grâd & de petit, qu'on appelle communemēt graine de paradis, le troyesme s'appelle capsicon, le quatriesme qu'o sème aujourdhuy assés en Frâce, c'est du poyute bastard. Les medecins vsēt le plus souuēt des deux premieres especes, qui sōt chauds & secz, au troysieme degre, & d'odeur plaisant. Pour biē cognoistre le bō, il faut l'elire qui soit acre vn peu amer, & incontînēt attouche la teste. Il ha beaucoup de bōnes vertus, principalement pour les reins, & difficulté d'vriner, si on le met en pouldre, & ainsi on le boit avec du vin blâc. Il profite aussi a l'imbecillité
du

du ventricule, a toute syncope, & euauouissement prins avec du mastich du boys d'aloës, où du ius de grenades.

¶ Le boys de balsamon. Fo. 18. pag. 2. Dioscoride dit que le balsamó c'est vn arbre, croissant seulement en quelque vallée de Iudée. Theophraste en son liure des causes des plâtes dit q̄ cest vn arbrisseau, pour le plus, de la hauteur de deux coudées, nous n'auôs point la plâte: de laquelle les estrâgiers enuoyét en ce pays les quatre parties, la larme ou le fruit q̄ Dioscoride appelle carpobalsamó, le suc opobalsamó, le boys pilobalsamó, & le corce. Aucûs tienét q̄ no^r n'auôs du opobalsamó, ou bié sophistiqué, côme sôt le pilobalsamó, & carpobalsamon, qu'on trouue assés aux boutiques. Estre vray que le pilobalsamó & carpobalsamó sont sophistiqués, ilz le preuuet, parce que les Aegyptiés auant qu'ilz nous enuoyent ce carpobalsamó & pilobalsamon le laissent tremper en quelque humeur assés long temps, puis gardent cedit humeur pour se seruir d'onguentz. Je vous laisse a penser si la

meilleure partie desdittes drogues n'est detrempée en cest humeur. Le tout est chault & sec au second degré. Entre autres le suc de balsamó chasse l'obscurité des yeux, nettoye les playes & les consolide, si elles sont fresches. La semence & l'ecorce seruent aux gouttes.

¶ Le ionc odoriferant. Fo. 19. pag. 1.
Il y a beaucoup d'especes de ionc: toutesfoys en ce lieu il n'est besoïg de parler de tous: mais seulement de l'odoriferant qu'on appelle *ῥοῖvos*, les paisans & rustiques du país ou il croist le nomment pasture a chameaux. Pource (comme ie pense) que les chameaux se delectent a le mager: on dit en estre de deux sortes, l'un est tout rond, l'autre quarré: lequel peult estre le fouchet, qu'on appelle. Maintenant les Arabes enuoient en ses país assés de bastons dudit ionc odorant, non pas des fleurs, qui sont le meilleur de toute la plante. On dit que nous n'auós point de calam' odoratus, en son lieu on a de coustume prédre la racine d'acorus, duquel en est de deux sortes, l'un qui croist en Inde, l'autre

14
en France. Manard dit que celuy d'Inde
c'est le calamus odoratus, & que en son
lieu il vse tousiours de la racine dudit
acorus d'Inde. Mōsieur Syluius dit que
c'est la racine de galāga maior. L'achor-
rus de France, c'est ceste flābe qui croist
aux estangs, & lieux aquatiques, de la-
quelle en a de deux sortes, du masle qui
a la fleur iaulne, & de la femelle qui a la
fleur blanche.

¶ L'aspalatus odoriferant. fo. 19. pag. 1.

Theophraste dit en ce lieu odoriferant
pour le separer d'auec l'autre q n'apoit
de senteur. Selō Dioscoride c'est vn pe-
tit arbrisseau tout plein despines, selon
Pline c'est vne espine sauuage: on dit en
auoir assés en la prouence, & q les pro-
uençaux la nōment communemēt ar-
gillier. Rueil dit que c'est le boys qu'on
nomme rhodion. Manard dit que c'est
du sandal: & q l'aspalathus masle c'est
le sandal rouge, la femelle c'est le san-
dal qui est de couleur de citron, ou bla-
fard comme l'or. Aucuns tiennent que
l'aspalathus nous est du tout incognu.

¶ Le maron. Fo. 19. pag. 1.

Maron, le temps passé c'estoit vne herbe trescōgnue a tous, qui a fait qu'elle n'a esté pourtraite, & parce nous est maintenāt incōgnue, el' auoit vne bien plaisante odeur.

28 Difficulté d'uriner. Fo. 19. pag. 2. Difficulté d'urine, c'est vn des propres accidens de la vesie, qui est quant l'urine coule fil a fil cōtre nostre volunté.

28 Le sel a puissance. Fo. 20. pag. 1. Le sel a tāt de vertus qu'ō en aye fait vn prouerbe cōmun, il n'est rien meilleur que le soleil & le sel. Car entre autres choses, si on oing quelque partie offensée ou lassée avec du sel & de l'huile la chaleur naturelle de la partie s'augmentera, ce qui est cōtre nature sera expulsé, l'excremēt consommé, la partie renforcée, & sera assurée contre la defluxion, tellemēt que les forces du sel sōt, estreindre, secher, amasser & empescher, que les corps ne se pourrissent, si on les sale, de sorte que les Aegyptiens pour cela se sōt acoustumés a saller les corps des morts pour les garder dauantage de pourriture. Et de là ont prins coustume
les

les Grecs d'oindre avec de l'huile & du sel, ceux qui estoient bien traités, réplis de vin, & quasi comme incensés, pèsant que c'estoit vn singulier remede cōtre liurognerie, avec ce de peur que le vin ne deuint petit & se trāsmuât en vinaigre, ilz mesloient du sel avec leur vin. Parquoy veu que le propre du sel c'est resouldre & consommer l'humeur qui bouchoit les conduitz par ou passe l'urine, lesquelz etouppés (veu que l'urine longuement retenue faiche) nature est contrainte faire couler l'urine goutte a goutte, fault dire que le sel est propre a la difficulté d'urine. Oultre ce il entre assés d'autres drogues dedās le rosat qui ont ceste mesme puissance. Celuy qu'o prepare aujourd'hui selō la description de Mesué n'auroit ceste force, car il ny entre point de choses aromatiqs, ains seulement du viel oingt de porc, de l'huile, des roses, & a la fin vn peu d'opio, qui red l'oguent de plus grāde efficace.

☞ Auoir bon ventre. Fo. 20. pag. 1.
La raison semble estre pource que ceux qui ont bon ventre n'urinent que bien

peu, & le plus souuent rien du tout. Ce qu'on peult veoir en la maladie du flux de ventre, en laquelle les malades n'urinent comme rien, en sorte que quant on veoit l'urine s'augmenter en eux, alors on espere de leur santé.

De laquelle varieté. Fo. 20. pag. 2. Il demonstre qu'il est tresutile cueillir les fruitz & fleurs chascun en sa saison: au contraire les amasser ou plus tost ou plus tard qu'il n'appartient, cela change grandemēt leurs forces, parquoy les apotiquaires & autres qui font profession de composer les medicamētz doiuent diligemment regarder a ce que dit Theophraste.

Celuy qui est expert. Fo. 21. pag. 1. Si celuy qui se mesle des onguentz cognoist bien l'heure & la saison en laquelle fault cuillir les fleurs & senteurs, ce qu'il fault obseruer en les cueillant, & apres quelles sont cuillies, il en reçoit grand profit, & fait de singulieres drogues.

Durer vn' eage. Fo. 21. pag. 2. Les onguentz entre autres peuuent durer

rer vn'eage qui sont composés de racines ceux qui sont de fleurs se perdent incontinent, comme le rosat. Car la force qui est au fleurs est tenue & subtile parce subitement s'euanoit, celle qui est aux racines est robuste & epeffe, par quoy de plus longue durée.

¶ Est en la sienne. Fo. 21. pag. 2.
Il est admirable que l'onguent composé de fleurs perd sa force, lors que la fleur de sa cōposition est en sa vigueur, pour exemple, l'onguent rosat n'a tant de force au temps que les roses sont en fleur & en leur vigueur, qu'il auoit deuant qu'elles fussēt flories & peruenues a perfection. Ce que les gens doctes attribuent & dient se faire par vne cōdoleance & mutuel sentiment de nature, qui est entre les choses, & l'appellent sympathie.

¶ Assés haultes. Fo. 22. pag. 1.
Les logis qui sont bas, estroitz & serrés sont de coustume subiectz a chaleur, parce qu'ilz ne sont ainsi aisément aëriés, que d'autres qui sont eleués, eminentz & au large : & veu que la chaleur

corront l'odeur, principalement celle qui prouient de lair encloz, & se pourrissât en ses petites logetes & lieux serrés, ce qu'estre vray demonstre le relant ou moysi que resentét telz lieux. A ceste cause vn lieu ample & spacieux, assés hault, comme de seconde estage, est requis: il ne fault q̃ le lieu soit bas, & serré: car il est humide, parce les choses q̃ y sont se corrompent facilement, comme lair n'y estant en liberté. Fault aussy qu'il y ayt vmbre, & qu'il soit exposé a quelque petit vent froid, affin que lair en soit plus pur & entier. Il y a assés d'autres choses necessaires.

28 Le Soleil. Fo. 22. pag. 1.

Premierement le soleil par sa chaleur change l'odeur & luy fait perdre sa nature, en apres corrôt l'huile en laquelle l'odeur est cōtenu. Quoy faisant, aduient en fin que l'odeur qui estoit plaisant soit ou desplaisant ou abatardy du tout.

28 Le froid & la glace. Fo. 22. pag. 1.

Il semble vouloir dire. Cōbien que les choses odoriferâtes exposées au froid, n'ayent

n'ayent lors grâde senteur, pource que leur puissance de sentir est renclore & rembarrée dedans, par le froid, duquel le propre est estreindre & reserrer, toutesfoys les odeurs sôt gardés par froid, & destruits par chaleur. Ce qu'estre vray le demôstre par le vin & autres liqueurs, desquelles si leur chaleur naturelle est estainte, incôtinent sont estrâgées de leur nature, & se changét, comme estant surmontée par chaleur accidentaire.

☞ La chaleur naturelle. Fo. 22. pag. 2. La chaleur naturelle, est celle qui cōserue toute chose & retiét en son estre, autât qu'elle y est, de sorte que la cōseruation des choses estant mise en elle, il est necessaire que si la chaleur naturelle est ostée ou chagée, la chose aussi se chäge ou perit. A laquelle Galié en plusieurs passages attribue tant de puissance, quil ose dire ou que c'est l'ame ou le principal instrumēt de l'ame: a cause des grandes & admirables actiōs qu'elle fait euidemment en toutes creatures.

☞ Ausquelles conuient. Fo. 23. pag. 1.

Vne grãde partye des femmes naturellement delire sur tout & s'estudie a sentir bon, dequoy la plus part des hōmes ne tient grand compté, parquoy il dit a bō droit que les parfums & odeurs qui demeurerēt plus longuemēt sur le corps avec leur senteur entiere, sont propres aux femmes: ceux qui ne demeurent si long temps, aux hommes.

☞ En soy la nature. Fo. 24. pag. 1. Comme s'il disoit, ceux qui sont composés de fleurs, suyuent la nature des fleurs: ceux qui de racines, la nature d'icelles, cōme sa premiere source & commencement. Et tout ainsi cōme les fleurs sont plus debilles & de moindre durée que les racines: ainsi les onguentz composés de fleurs seront plus debilles, & durerōt moins, que ceux qui sont composés de racines.

☞ Avec de la myrrhe. Fo. 24. pag. 1. Il semble vouloir signifier que l'onguēt & odeur de la myrrhe est plus odorant quant on la broye, ou qn'il n'est apres, ou aultrement: oultre ceste chaleur benigne excitée en la myrrhe, quant on la
passe

passe par le feu, fait que l'onguent ainsi meslé, se tempere.

¶ Irrite. Fo. 24. pag. 2.

Les parfums faitz de racines & tous autres cōposés de choses espesses, a cause que la matiere est dure & solide, ne sōt incontinent aperceus sentir bon : mais si on les emeut ou excite le moins du monde, subitement rendront vn grand odeur.

¶ Aueclair. Fo. 42. pag. 2.

C'est la raison pourquoy ilz se manifestent plus. Car lair proprement estant sans aucune qualité, qui puisse empescher les autres, il a de coustume apporter & faire apparoiſtre au sens les qualités & odeurs, desquelz il est premierement imbu: tellemēt que s'il est remply de bonne odeur, il fera sentir bon, si de mauuais, mal.

¶ Se mettre en teste. Fo. 25. pag. 1.

La raison en toutes choses veult que le foyble soit surmonté par le plus fort, parquoy il semble que l'onguent rosat le plus foyble de tous, deuoit estre surmonté par les autres: toutesfoys iaçoit

qu'il est le plus debille de tous, si est ce que meslé avec les autres, il les oultre-passe en telle sorte, qu'on ne sent seulement que son odeur, & ne peult on discerner l'odeur des autres. Ce q̄ n'est trop aliené, parce que le sens, se plaist beaucoup en l'odeur de la rose, qui fait que s'il en est premierement remplý & faisi, puis apres il mesprisera l'odeur de tous autres, au regard de celuy de rose. Par ainsi les drogucurs & parfumeurs enrichissent leurs parfums & drogues par l'odeur de la rose, en telle sorte que ouurát les escrains & droguiers ou sont leurs senteurs on ne sent seullemēt que la rose, Ce qui aduient a la rose pour sa subtilityté & menuiserie. Car d'autāt que la chose est plus deliée & subtile, ainsi penetre plus subitement & aisement.

¶ Par les autres. Fo. 26. pag. 2.

Cela semble estre, parce que le rosat estant fort subtil, incontinant se fourre dedans la partie, sur laquelle il est applicqué: & par sa chaleur douce, benigne, & temperée, il oste la douleur, sans faire mal, pour exemple, de la teste, laquelle

quelle douleur estoit, ou a cause d'humours cruds & superfluz estat en la substance du cerueau, & parce la rendoient pesante, ou a cause de vêtz enclos dans ledit cerueau. A quoy le rosat profite parce qu'il cuit legeremēt, & seuremēt les humeurs, quoy faisant les prepare a expulsio & ne fait qu'ilz ne soiēt tant molestés a nature: puis rarefiant le cuir, il fait passage aux ventz. Parquoy deliure la teste de mal. Ce que peult faire tout odeur plaisant & gracieux, en meurissant & cuisant les humeurs: meurs & cuitz, les poulsant dehors.

¶ A l'onguent cyprinon. Fo. 27. pa. 2. Parce qu'il entroit en l'onguent cyprinon, quasi de toutes semblables drogues que dans le rodinon, aucuns l'auoient en aussi grande recommandation que ledit rodinon. Oultre il a l'odeur telle, la chaleur, guarist le mal de la teste, & obscurcit la senteur des autres.

¶ Dedans le cœur de la ville. Folio 28. page 11. p.

Il ya en Grec *ἐν πύλαις*, qui est vn lieu tout au fond de la ville, ou se vendoiēt

les marchandises. Tellemēt qu'ancien-
nement toutes sortes de marchandises
auoient lieu public en la ville, où elles
estoiēt vendues. Dauantage il fault no-
ter que le vin Thasion estoit de grande
requête en Grece & Italie. Plutarque
& Tite Liue dient que pritaneō c'estoit
vn lieu dedans la ville, en la partie plus
eminente & frequentée d'icelle, où on
faisoit le festin (en la presence de tous
les citoyens,) a ceux qui auoient bien
merité de la republicque, & non seul-
lement auoient exposé & offert leurs
biens, mais aussi leur vie pour elle.

28 Vin dur. Fo. 28. pag. 1.

Comme, pour exemple, si on prenoit
du vin de bougongne, qui est gros &
aspre, & on le cleretoit avec du vin d'or-
leans, d'aniou, ou d'ay, qui sont vins dé-
licats & amiables a boire.

28 Au carpe. Fo. 28. pag. 2.

Pline a la fin du chapitre des onguentz,
dit que les parfumeurs oigniēt plustost
le carpe, qui est presque tout denué de
chair, que vn'autre partie du corps plus
charnue, pource que la chaleur est plus
grande

grande en la partie charnue qu'en celle qui l'est moins, qui fait qu'elle ne corromp l'odeur si tost que l'autre.

¶ Le moyen du cuir. Fo. 28. pag. 2.

Les senteurs de leur nature aucune-
mēt chauldes, sont assés emeues & mi-
ses en action, par la familiarité & con-
ionction qu'elles prennēt avec la peau
d'une chacune partie du corps qui n'est
guiere charnue, cōme le carpe: dans les-
quelles parties il ya vrayemēt quelque
chaleur, non pas si vehemētē qu'en cel-
les qui sōt plus charnues. Parquoy cor-
rompent moins l'odeur.

¶ Perfumés. Fo. 28. pa. 2.

Ceux qui ont coustume d'estre perfu-
més, le parfum qu'il prennent fres-
chement est en peu de temps consom-
mé & pert route sa force, se meslāt avec
les autres qui estoient desia au parauant
avec le cuir. Mais celuy qui n'a de cou-
stume porter des parfums a cause que
ledit parfum ne se mesle ainsi & demeu-
re plus entier, il red plus grāde senteur.

¶ Des senteurs seiches. Fo. 30. pa. 1.

Maintenant il vient a parler des poul-

dres seiches, qu'on appelle en vn mot *Μανδραγα*, en quoy il ne fait mention des episseries, ne des trochisqs, qui est de merueille, veu que la dispute & confection de l'un & l'autre appartient aux odeurs.

¶ L'amomon. Fo.30.pag.2.

Aucuns tiennent que Amomon c'est vn petit arbrisseau de bõ odeur, lequel on appelle la rose sainte Marie ou de hiericho. On dit que nous n'auons point du vray amomon, ne de la plante ne du fruit, combien que aux boutiqueques on presente de la seméce d'amomon, mais c'est plustost de la seméce d'une espeece de cardamomon. Au lieu du vray amomon on peult vser de galāga la grande, de la racine d'asaron, ou de sison, ou de l'herbe qu'on appelle botrix, laquelle aujourd'huy est nommée l'herbe de la vierge marie, la semence, du pimand, de quoy a Paris on mesle avec les robbes & linges pour le faire sentir bon. Car elle a vne fort bonne senteur.

¶ L'erysiceptron. Fo.30.pag.2.

La coustume des anciés estoit d'appeller

ler les plâtes sur lesquelles, l'arc au ciel sembloit estre couché erysischeptra, estimât qu'elles tiroiēt dudit arc au ciel quelque puissance de sentir bon. En sorte que d'aucuns estimēt erysicheptron estre aspalathon, lequel dient estre vne espine odorâte, pource que l'arc au ciel s'est couché dessus ledit aspalathon. Que erysicheptron soit vne chose tres odoriferante, Theophraste le demonstre, quant il dit, que les parfumeurs ne le meslent avec leurs senteurs, a cause de son odeur trop grand.

¶ A tel odeur. Fo. 31. pag. 1.

Tout ainsi q̃ les couleurs & autres choses suyuent leur tēperament & mixtion; ainsi l'odeur qui est en l'animal, suyt le temperament d'iceluy; que le temperament peut beaucoup en toute mixtion & chose crée, Galien le demonstre en son liure, que les meurs de l'ame suyuent le temperament du corps.

¶ Singuliere & comme. Fo. 31. pag. 2.

Il n'est dit sans raison singuliere. Car la cause de ce n'est temeraire & facile a cognoistre en autres choses. Tellemēt que

si on auoit la peau d'un bouc qui fut es-
corchée & sechée mesme passé cét ans,
nonobstât elle sentira le bouc en la sai-
son quilz conuersent avec les chieures,
ainsi comme fait le bouc viuant. Il ad-
uient le mesme au cerfz quât ilz sont en
rut, & porcs sangliers. Ce qui demon-
stre vne grande sympathie & harmo-
nie entre les choses naturelles.

¶ L'habitude du corps. Fo. 31. pag. 2.

La disposition du corps seule pourroit
faire ceste sympathie & similitude de
sentir le bouc en la peau diceluy, mort,
& en vn autre viuant. Parquoy on peut
dire que la premiere & principale cau-
se de mal sentir est en icelle habitude &
temperament du corps, mais l'acroisse-
mēt de la cause, est en la coition & com-
paignie du bouc avec la chieure.

¶ Les onguentz ont force. Fo. 32. pag. 1.
Il semble que ce lieu icy des onguentz
est transporté: & qu'il deuoit estre con-
tinué avec le dessus ou il en a parle am-
plement.

¶ Ce mutuel consentement. Fo. 33. pa. 1.
Ce lieu demonstre manifestement que
le

le precedent des onguetz n'est ou il de-
uroit estre, cōme dessus nous auons dit.
Car cestuy icy apertient a ceste harmo-
nie & accord, qui est entre les choses
selon le cours de nature. De quoy il a-
uoit dit vn peu deuant, quand il parloit
de la condoleāce de sentir qui est entre
les peaux de bouc, & les boucz en vie.

¶ Les aulx. Fo. 33. pag. 1.

Cela ne semble estre point vray seule-
ment aux aulx & oignons: mais gene-
ralement dans les plantes ayant teste.
lesquelles germent, mesme pendues en
laïr, en la saison que leurs semblables
germent en la terre.

¶ La gresse d'ours. Fo. 33. pag. 1.

Aristote au sixiesme liure de l'histoire
des animaux, parlant de l'ours & de sa
coition, dit que l'ourse engendre au
moys de february, & au mesme temps
fait ses petis, puis apres deuient fort
grasse. Aucuns diēt que l'ours de sa na-
ture a coustume se cacher certaine par-
tie de l'an, & alors ne mange rien. Si est
ce qu'en ce temps il s'engresse autant
ou plus que s'il mangeoit. De telle sor-

te que par vne sympathie de nature, alors la gresse s'enfle ainsi & s'elieue dedans le pot, que mesme n'estât que demy elle se répant par dessus les bords dudit pot.

¶ Democrite. Fo. 33. pag. 2.

Democrite referoit toutes choses a ses petitz corpuscules inuisibles, qu'il nommoit atomes, & aux figures : tellement que quant il parloit des saueurs, disoit la saueur douce estre de figure ronde & ample, l'acerbe, estre parfaite de grande figure, l'aspre de figure angulaire, l'ague de figure qui est pointue, en façon d'une pomme de pain, ainsi des autres. Lisés Theophraste, au sixiesme liure des causes des plantes, chapitre, 2.

¶ Des couleurs. Fo. 33. pag. 2.

Il demonstre q̄ aux couleurs & saueurs il se peult trouuer deux differances, lesquelles puisse comprendre en soy toutes les especes de couleur ou saueur, ce qu'on ne fera aux senteurs. Car aux saueurs soubz le doux & amer, les autres sont cōtēnues, cōme au couleurs soubz le blâc & noir les autres couleurs. Mais

aux

aux senteurs, sentir bon ou mauuais, ne sont les deux differéces qui contiennent en soy toutes les autres.

28 L'huile. Fol. 34. pag. 1.

L'huile parce qu'elle est visqueuse & gluante, ne se mesle facilement avec vn' autre liqueur, Car par la viscosité l'huile resiste fort quant on la veult separer: par ainsi, elle & l'autre liqueur qu'on veult mesler ensemble, demeure long temps en nage.

28 Comme aux onguentz. Fo 34. pa. 2.
Dans les onguétz si on mesle plusieurs choses, on les peult faire ou pires ou meilleurs. Car aucuns de leur premiere meslage & composition, estant par aduérure immodérés & mal propres, sont adoucis, & rédus plaisans par l'admixture d'autres choses.

28 L'admixture du vin. Fo. 34. pag. 2.
On auoit de coustume anciennement mettre tremper la myrrhe dedans de bon vin tout simple ou mieslé, auant que la brusler: pour autant que par ce moyen receuant grace par le vin, son odeur en estoit plus requis.

28 Oultre raison. Fo.35.pag.1.

Il demonstre par la fonction & operation des deux sens qui sont le gouſt & l'odoremēt (leſquelz operent en vne meſme matiere, comme ſubiect propre) que les odeurs & ſauēurs conſiſtent en vn, Et qu'il n'eſt point eſtrange dire de l'un par l'autre. Pour exemple, mettre peine de declarer la nature, force, mixtion, & vſage des odeurs, par les ſauēurs.

28 Par interpoſition. Fo.35.pag.2.

Les drogueurs ſemblent faire cela, de peur qu'on ne ſente ſeparement l'odeur d'une des choſes aromatiques qui ſont en la compoſition, comme fleurs, ſemēces, racines, eſcorces, boys, & choſes ſemblables. Pour exemple, ſ'il ya en la compoſition de la canelle ou de l'enſens, il oſtent de l'un ou l'autre ſ'il ſ'aperçoient reſentir plus que les autres: mais ilz veullent que de toutes les choſes meſlées on ne ſ'aperçoie que d'un odeur coufus.

28 On veoit en la mer. Fo.36, pag.1.
Ceſte fin de Theophraſte eſt fort difficile

cile a entendre : & on ne peult a peine
deuiner ce qu'il veult dire:veu qu'il ne
s'explique luy mesme en maniere que
ce soit. Parquoy on peult conclure que
ce liure n'est entier.

F I N.

MICHAELIS LAVBESPINI IN
Ioannis Lestradaei præceptoris sui lu-
cubrationem, Epigramma.

Elysijs fileant campi, nec græcia flores
Prædicet Aemonio monte superba suos.
Cedant quas vitreo Tyberinum gurgite flumē
Cingit, quasque ferunt prata Latina rosas.
Gallia nunc vernat, nunc sedes Flora beatas
Incolit, & priscas deferit alma domos.
Hunc hortū coluit, quem qui nō spreuerit, omni
Perfusus posthac sumet odore decus.
Iure etenim sapiet grato qui plena sapore
Prædia, & hoc secum semper habebit opus.

Aliud, eiusdem ad eundem.

Te, tua scripta, decus, cōmēdat, cingit, adornat,
Laude Minerua, rosis Flora, decore lepos.

Les fautes commises en limpression.

Fo. 4. pa. 2. ligne, 7. aux vnes & autres, la mesme
 li. 15. Theophraste, fo. 6. pa. 1. li. 16. prises de soy
 f. 7. p. 1. l. 14 ne sentent, f. 9. p. 1. fault escrire en
 marge, βέλτιον, fo. 9. pa. 2. en marge drogueurs
 au lieu de droguer, f. 12. p. 2. en marge σύμματα
 καὶ ἡδύσματα, fo. 14. pa. 1. li. 6. receptible, fo. 17.
 pa. 2. li. 3. la myrrhe, f. 17. p. 2. li. 4. & la demeurer
 f. 21. p. 1. l. 14. ce qui conserue, f. 21. p. 2. l. 5. l'arrie-
 re saison, f. 23. p. 2. l. 4. lesquelz, f. 24. p. 1. l. 26. qui
 se fait est excitée, f. 26. pa. 2. l. 10. le vin erytreon
 leql estoit mol, f. 28. p. 1. l. 6. embaumé, f. 28. p. 2. l.
 10. mis au carpe, fo. 28. p. 2. l. 20. par le moyen du
 cuir, & la mesme en marge, par la communicatiō
 du cuir, fo. 29. p. 1. l. 20. a se mesler, f. 29. pa. 2. l. 2.
 effaces, privée & lisés en apres demeure, nō de-
 meurée, f. 34. p. 2. l. 9. débilitent plus les, f. 34. p.
 2. l. 18. la mixtion du vin, fo. 38. p. 2. l. 16. de tel o-
 deur, f. 44. p. 2. l. 15. & ce qui doibt entrer, f. 46.
 p. 2. l. 26. on y iette par plusieurs foys, f. 47. p. 1.
 l. 6. & leucoion, f. 47. p. 1. l. 26. ou avec addition,
 f. 50. p. 2. l. 26. les onguēts. f. 51. p. 1. l. 1. leur cōsistē-
 ce, f. 51 p. 2. li. 1. σύμματα καὶ ἡδύσματα ou fault entē-
 dre q̄ σύμματα, cest la chose qui sert pour epepsie
 l'huile, laq̄lle ainsi epepsie on y iette puis ἡδύσ-
 ματα, qui est quasi la confiture dice! e, & lodeur
 propre de la chose, laquelle nous voulons que
 longuent ou parfum resente, comme si pour
 exemple, on veut que tout le parfum sente seu-
 lement la rose ou violette de mars, ou quoy
 que ce soit, sera mis le dernier en l'huile. fo. 53.
 pa. 1. lig. 14. Xilobalsamon.